


魏

書

冊

一



Vertical text, likely bleed-through from the reverse side of the page. The characters are faint and difficult to decipher, but appear to be arranged in two columns.





魏書

華書同

史部

四部書要

并總 丁辭
并總 吳起
并總 魏書
并總 魏書
并總 魏書
并總 魏書

四部備要

史部

上海中華書局據武英殿

本校刊

桐鄉

陸費達總勘

杭縣

高時顯輯校
吳汝霖

杭縣

丁輔之監造

魏書目錄

齊

魏

收

撰

帝紀一十二

卷十四

列傳九十二

卷十六

志十

卷二十

共一百三十卷

帝紀

魏書卷一

帝紀第一

成帝

毛

節帝

貸

莊帝

觀

明帝

棲

安帝

越

宣帝 推寅

景帝 利

元帝 俟

和帝 肆

定帝 機

僖帝 蓋

威帝 儉

獻帝 隣

聖武帝 詰汾

始祖神元帝 力微

文帝 沙漠汗

章帝 悉鹿

平帝 綽

珍
做
宋
版
印

思帝

弗

昭帝

祿官

桓帝

猗缶

穆帝

猗盧

太祖平文帝

鬱律

惠帝

賀偃

煬帝

訖那

烈帝

翳槐

昭成帝

什翼健

魏書卷二

帝紀第二

太祖道武帝

珽

魏書卷三

闕

帝紀第三

太宗明元帝

嗣

魏書卷四上

帝紀第四上

世祖太武帝

燾

魏書卷四下

帝紀第四下

世祖太武帝

恭宗景穆皇帝

晃附

魏書卷五

帝紀第五

高宗文成帝

浹

魏書卷六

帝紀第六

顯祖獻文帝 弘

魏書卷七上

帝紀第七上

高祖孝文帝 宏

魏書卷七下

帝紀第七下

高祖孝文帝

魏書卷八

帝紀第八

世宗宣武帝 恪

魏書卷九

帝紀第九

魏

書

目錄

中華書局聚

肅宗孝明帝

朝

魏書卷十

帝紀第十

敬宗孝莊帝

子攸

魏書卷十一

帝紀第十一

前廢帝廣陵王

恭

後廢帝安定王

朗

出帝平陽王

修

魏書卷十二

明

帝紀第十二

孝靜帝

善見

列傳

后妃第一

神元皇后竇氏

文帝皇后封氏

次妃
蘭氏

桓帝皇后祁氏

平文皇后王氏

昭成皇后慕容氏

獻明皇后賀氏

道武皇后慕容氏

道武宣穆皇后劉氏

明元昭哀皇后姚氏

明元密皇后杜氏

太武惠太
后竇氏

太武皇后赫連氏

太武敬哀皇后賀氏

景穆恭皇后郁久闐氏

文成昭太
后常氏

文成文明皇后馮氏

文成元皇后李氏

獻文思皇后李氏

孝文貞皇后林氏

孝文廢皇后馮氏

孝文幽皇后馮氏

孝文昭皇后高氏

宣武順皇后于氏

宣武皇后高氏

宣武靈皇后胡氏

孝明皇后胡氏

孝靜皇后高氏

魏書卷十四 闕

列傳第二神元平文諸帝子孫

上谷公紇羅 子襄城王題

建德公嬰文

真定侯陸 曾孫軌

武陵侯因

長樂王壽樂

望都公頽

曲陽侯素延

順陽公郁

宜都王目辰

穆帝長子六修

吉陽男比干

江夏公呂

高涼王孤 六世孫華山王鷲子華第子思孤六世孫上黨王天穆

西河公敦

司徒石

武衛將軍謂子烏真 烏真子鎮都 興都子東陽王丕

淮陵侯大頭

河間公齊孫志

扶風公處真

文安公泥子屈 屈子磨 渾

魏書卷十五闕

列傳第三昭成子孫

寔君

秦王翰子衛王儀 儀子中山王纂

幹幹子積 積子端 儀弟陰平王烈 烈子秦王瓛

常山王遵子素 素子可 可悉陵 可悉陵弟子昭 昭子玄 弟紹

陳留王虔子朱提 朱提王悅 悅子崇 虔兄顓 顓子嵩

毗陵王順庫汗 遼西公意烈子拔干 拔干曾孫 意烈弟子粟 粟子

窟咄玉駱

魏書卷十六魏九十五

魏書目錄

五中華書局聚

列傳第四道武七王

清河王紹

陽平王熙子臨淮王他世遵弟子忻之他會孫世遵

壽他孫法僧

河南王曜

子穎川王提平原子鑒和提子平原

河間王修

略陽王鷓兒長樂王處文

廣平王連

南平王渾霄會孫仲罔渾子霽

京兆王黎

江陽王繼羅爽繼弟羅侯

魏書卷十七

闕

列傳第五明元六王

樂平王丕

安定王彌

樂安王範

子良

永昌王健

子仁

建寧王崇

新興王俊

魏書卷十八

闕

珍做宋版

列傳第六太武五王

晉王伏羅

東平王翰

臨淮王譚

子提 孝友

提子昌 昌弟孚

昌子或

廣陽王建閻

子嘉 深子湛

嘉子深

南安王余

魏書卷十九上

闕

列傳第七上景穆十二王上

陽平王新成

子頤 衍弟欽

欽子子融 孝

京兆王子推

子太興 暹

太興弟遠 恆

太興子仲景

濟陰王小新成

孫弼 弟子誕

弼子暉業 麗

麗子顯和

汝陰王天賜

孫慶和 修義

天賜子況

樂良王萬壽

曾孫 忠

廣平王洛侯

濟南王匡

魏書卷十九中

列傳第七中景穆十二王中

任城王雲子澄澄弟嵩嵩子舜順順子朗

魏書卷十九下

列傳第七下景穆十二王下

南安王楨子中山王英英弟怡怡子魯郡王肅東平王略略弟纂熙弟義

城陽王長壽子鸞鸞子徽章武王太洛嗣王彬彬子融

樂陵王胡兒嗣王思譽安定王休子變貴平願平

魏書卷二十闕

列傳第八文成五王

安樂王長樂子詮斌之詮子鑒

廣川王略子諧齊郡王簡子祐

河間王若嗣王琛安豐王猛子延明

魏書卷二十一上

列傳第九上獻文六王上

咸陽王禧

子翼 樹

趙郡王幹

子謚 譚 謚

廣陵王羽

子欣

高陽王雍

子端 昌 樂 王 誕

北海王詳

子穎 瑱

魏書卷二十一

列傳第九下獻文六王下

彭城王勰

子劭 子直

魏書卷二十二

列傳第十孝文五王

廢太子恂

京兆王愉

子寶 炬

清河王懌

廣平王懷

汝南王悅

魏書卷二十三

魏書 目錄

七 中華書局聚

列傳第十二

衛操

衛雄 姬澹

莫舍

孫題

雲

劉庫仁

弟眷 庫仁子顯 族人奴真 奴真兄健

魏書卷二十四

列傳第十二

燕鳳

許謙

子洛陽

張袞

孫誕 袞子度 度曾孫白澤 白澤子倫

崔玄伯

弟徽 高陵 崔道固 寬父剖 道固兄子僧祐 僧淵 僧淵子伯鳳 祖模 祖螭

和

祖虬 和子軌 僧淵從弟和 重謚 謚父京

鄧淵

子穎 穎弟孫羨 穎孫羨子麟 穎子宗慶

魏書卷二十五

列傳第十三

長孫嵩

子頽 頽子敦

長孫道生

孫觀 觀子稚 稚子彥

魏書卷二十六

列傳第十四

長孫肥

子輪 陳蘭 肥弟孫真

尉古真

弟諾 諾子眷 眷子多侯 多侯弟子慶賓 眷弟地干

古真族玄孫瑾

魏書卷二十七

列傳第十五

穆崇

孫真 亮子紹 真子泰 崇子觀 觀子壽 壽孫熙 熙子建 熙弟亮

醜善孫鐵 孫琳 夏 鐵

魏書卷二十八

列傳第十六

和跋

子歸

奚牧

莫題

庾業延

賀狄干

李栗

劉潔

古弼

張黎

魏書卷二十九

列傳第十七

奚斤

子他觀
斤弟孫兜

孫買奴

叔孫建

子俊

隣

魏書卷三十

列傳第十八

王建

子斤
建會孫樹
孫度

安同

子原
同弟子
難

樓伏連

兄會孫毅

丘堆

娥清

劉尼

奚眷

車伊洛

宿石

來大千

周幾

豆代田

周觀

閻大肥

尉撥

陸真子延

呂洛拔子文祖

魏書卷三十一

列傳第十九

于栗磾子洛拔烈子洛拔子昕烈子祚烈子祚果忠

魏書卷三十二

列傳第二十

高湖子謚謚子樹生徽子歸義湖弟曾孫幹腊兒腊兒子香

崔逞子跋逞兄玄孫隆宗封懿子玄之回子顯之回兄璿族從子

兄子愷愷從孫靈祐回族叔軌軌子偉伯

魏書卷三十三

列傳第二十一

宋隱弟輔叔父洽宣孫瓊

王憲子嶷嶷子雲

屈遵

孫恆道賜

張蒲

昭子靈符

谷渾

孫洪洪子穎穎子纂士恢

公孫表

子軌質質子徽徽子良

張濟

李先

孫子預

賈彝

子秀秀子儁彝從曾孫

薛提

魏書卷三十四

闕

列傳第二十二

王洛兒

車路頭

盧魯元

子統內

陳建

萬安國

奚拔

魏書卷三十五

列傳第二十三

崔浩

魏書卷三十六

列傳第二十四

李順子敷式 秀林式子憲 憲子希宗 燾燾 式弟奕 肅肅從弟 暉暉

從弟仲琰族人 暉族人 遺元暉族弟 孝怡族孫同軌

魏書卷三十七

列傳第二十五

司馬休之子文思

司馬楚之孫悅 子躍

司馬景之兄準

司馬叔璠子靈壽 子仲明 靈壽

司馬天助

魏書卷三十八

列傳第二十六

刁雍子肅 肅子整 雍族孫 雙

王慧龍子寶 興興 子遵業

韓延之

袁式

魏書卷三十九

列傳第二十七

李寶子承

輔子韶尚

韶子瑾仲尚

季凱彦

輔弟佐

承弟茂東

茂孫儻

韶

從弟仲遵
韶從叔思穆

魏書卷四十一

列傳第二十八

陸俟子猷

猷子琇昕

昕之從兄

子彰

恭之定國弟

猷弟儻

儻子希道

希質

麗弟龍成
子昶俟族子儻

魏書卷四十一

列傳第二十九

源賀子懷

懷子雍子恭

子雍子延伯

魏書卷四十二

列傳第三十

薛辯子謹

謹子拔

拔子胤

拔弟和

珍做宋版印

寇讚子臻
臻子治

酈範子道慎
範子暉
道約

韓秀子務

堯暄

魏書卷四十三

列傳第三十一

嚴稜

毛修之朱修之

唐和兄子玄達

劉休賓子文暉

房法壽房堅
崇吉從弟士達
法壽從弟伯玉
法壽族子景伯
崇吉從祖弟
景先
景遠

魏書卷四十四

列傳第三十二

羅結子斤
斤孫伊利

伊馥孫益生

乙瓊子乾歸
乾歸孫瓊

和其奴

荀頹子虎
薛野睹子虎
虎子曇尚

宇文福子延

費子孫穆

孟威

魏書卷四十五

列傳第三十三

章閔

孫儁或

從叔道福

道福從孫元恢

閔從子崇

蘇湛

姜儉

族弟珍

珍子

杜銓

族孫顯

裴駿

子修

從弟安祖

詢

修弟宣

辛紹先

孫祥

少雍

紹先子穆

柳崇

魏書卷四十六

列傳第三十四

竇瑾

子遵

許彥

子宗之

許赤虎

宗之兄曾

李訢

魏書卷四十七

列傳第三十五

列盧玄子度世度世子淵淵子義儔義儔子淵淵子道將道將子元則元則道虔道虔從祖兄從祖兄溥溥

魏書卷四十八

列傳第三十六

高允孫綽綽劉模模允弟推推

魏書卷四十九

列傳第三十七

李靈子恢恢孫悅悅子宣茂宣茂恢弟恢弟子道子道

崔鑒子秉秉子仲哲仲哲

魏書卷五十

列傳第三十八

尉元子羽羽

慕容白曜子真安真安契契

魏書卷五十一

列傳第三十九

韓茂 子均

皮豹子 子喜

封勅文

呂羅漢 祖顯 父温

孔伯恭

魏書卷五十三人

列傳第四十

趙逸 兄温 從玄孫超宗 令勝 還叔隆

胡方回

胡叟

宋繇 曾孫雅

張湛 兄懷義

宗欽

段承根 父暉

闕駟

劉昞

趙柔 三十六

索敞 陰世隆

陰仲達 弟子遵和 兄子道方

魏書卷五十三

列傳第四十一

李孝伯 父曾 兄祥 郁 祥子安世

李冲

魏書卷五十四

列傳第四十二

游雅

高閭

魏書卷五十五

列傳第四十三

游明根

子肇

劉芳

子厥 子思祖 子隲

芳從

子懋

芳族兄 僧利

僧利子世明

魏書卷五十六

列傳第四十四

鄭羲

子懿 弟連山

道昭 道昭子嚴祖

羲從兄 孫幼儒 季亮

伯猷

輯之

崔辨子逸
逸弟模
楷子巨倫

魏書卷五十七

列傳第四十五

高祐孫顯
諒

崔挺子孝芬
孝演
孝芬子勉
孝政
挺弟

振邕
敬邕
從弟接
挺從父弟元珍
挺族子纂
纂從祖弟遊

魏書卷五十八

列傳第四十六

楊播子侃
播弟椿
津子道
道子昱
昱子孝邕

魏書卷五十九

列傳第四十七

劉昶子輝
劉武英

蕭寶夤兄子贊

蕭正表

魏書卷六十

列傳第四十八

韓麒麟孫子熙麒麟子顯宗

程駿從祖弟子靈虬

魏書卷六十一

列傳第四十九

薛安都孫鬱安都從弟真度
真度子懷吉懷儻

畢衆敬子元賓元賓子祖括
衆敬弟子聞慰申纂祖暉常珍奇

沈文秀房天樂文秀族子陵

張讜

田益宗董鬱陳伯之

孟表

魏書卷六十二

列傳第五十

李彪子志

高道悅

魏書卷六十三

列傳第五十一

王肅 兄子誦 衍

宋弁 子維 紀

魏書卷六十四

列傳第五十二

高祖

郭祚

張彝 子始均

魏書卷六十五

列傳第五十三

孟夷

邢巒

子遜 巒弟晏 巒從叔虬

李平

子獎 諧

魏書卷六十六

列傳第五十四

李崇

子世哲 神軌

崔亮

從弟光韶 光伯

魏書卷六十七

列傳第五十五

崔光

子勵 光弟敬友 長文 敬友子鴻 鴻子子元

魏書卷六十八

列傳第五十六

甄琛子侃楷琛從弟密
張纂纂從弟宣誠

高聰

魏書卷六十九

列傳第五十七

崔休

規弟子景融
傳族兄聿族景顏人瑗延

袁翻

裴延儔

從叔子夙從弟良良從兄
子慶孫延儔從弟仲規仲

魏書卷七十

列傳第五十八

劉藻子紹珍

傅永

傅豎眼祖父融
子敬和伯父靈慶
從子文驥父靈越

李神

魏書卷七十一

列傳第五十九

裴叔業

孫譚子芬之藹之兄子彥先植

韋伯昕

衍尹挺皇甫場梁祐閻慶胤柳僧習楊令寶

夏侯道遷

子夫

李元護

子會

席法友

王世弼

子由

江悅之

子文遙羅道珍

文遙子果

辛懋龐樹

姜承李忻榮

張元亮

庾導

士孫天與

淳于誕

李苗

魏書卷七十二

列傳第六十

陽尼

從孫藻從弟固藻子弼

賈思伯

弟思同

李叔虎

從子長仁長仁從子象

路特慶

弟思令從叔雄

房亮

曹世表

潘永基

朱元旭

魏書卷七十三

列傳第六十一

奚康生 子難

楊大眼

崔延伯

魏書卷七十四

列傳第六十二

尔朱榮

魏書卷七十五

列傳第六十三

尔朱兆

尔朱彥伯 弟仲遠 世承

世隆 弼

尔朱度律

尔朱天光

魏書卷七十六

魏

書

目錄

共一中華書局聚

列傳第六十四

盧同

張烈 弟僧皓

魏書卷七十七

列傳第六十五

宋翻 弟道瓌

辛雄 從兄纂 族祖琛

琛族子珍之

羊深

楊機

高崇 子謙之 崇之子子

魏書卷七十八

列傳第六十六

孫紹

張普惠

魏書卷七十九

列傳第六十七

成淹 子霄

范紹

劉桃符

劉道斌

董紹

馮元興

曹道曹昂

曹昇

鹿念

張熠

魏書卷八十

列傳第六十八

朱瑞

叱列延慶

斛斯椿

賈顯度

弟智

樊子鵠

賀拔勝

弟岳

侯莫陳悅

侯淵

魏書卷八十一

闕

列傳第六十九

綦儔

山偉

劉仁之

宇文忠之

魏書卷八十二 闕

列傳第七十

李琰之

祖瑩

常景

魏書卷八十三上 闕

列傳第七十一上外戚上

賀訥 弟盧 從弟悅 悅子泥

劉羅辰

姚黃眉

杜超 弟子元寶

賀迷

閻毗 常英

馮熙 子誕 子穆 修

李峻

李惠 從孫侃 晞

魏書卷八十三下 闕

列傳第七十一下外戚下

高肇 子植

于勁

胡國珍 兄曾孫虔

李延寔

魏書卷八十四 不全

列傳第七十二儒林

梁越

盧醜

張偉

梁祚

平恆

陳奇

常爽

劉獻之

張吾貴

劉蘭

孫惠蔚

徐遵明

董徵

刁沖

盧景裕

李同軌

李業興

魏書卷八十五 闕

列傳第七十三文苑

袁躍 子聿修

裴敬憲

盧觀

封肅

邢臧

裴伯茂

邢昕

溫子昇

魏書卷八十六 闕

列傳第七十四孝感

趙琰

長孫慮

乞伏保

孫益德

董洛生

楊引

閻元明

令狐仕
董吐渾

皇甫奴
兄養

吳悉達

崔承宗

王續生

李顯達

張昇

倉跋

王崇

郭文恭

魏書卷八十七 闕

列傳第七十五節義

于什門

段進

石文德

趙令安
孟蘭強

汲固

王玄威

婁提

姪拔寅

劉渴侯

朱長生

于提

馬八龍

門文愛

晁清

劉侯仁

石祖興

邵洪哲

王榮世

胡小虎

孫道登

李几

張安祖

王閻 劉業興
蓋儔

魏書卷八十八

列傳第七十六良吏

張恂

鹿生

張應

宋世景 子季儒

路邕

閻慶胤

明亮

杜纂

裴佗

竇瑗

羊敦

蘇淑

魏書卷八十九 闕

列傳第七十七酷吏

于洛侯

胡泥

李洪之

高遵

張敕提

羊祉

崔暹

酈道元

谷楷

陸長命

魏書卷九十

陸景

列傳第七十八逸士

陸夸

馮亮

李謚

鄭修

魏書卷九十一

不全

列傳第七十九術藝

晁崇

張淵

徐路 高崇祖
孫儉化 信都芳

殷紹

王早

耿玄

劉靈助

江式

周澹

李修

徐審

王顯

崔彧

蔣少游

侯文和 范寧兒

魏書卷九十二

不全

列傳第八十列女

崔覽妻封氏

封卓妻劉氏

魏溥妻房氏

胡長命妻張氏

平原女子孫氏

房愛親妻崔氏

涇州貞女兕先氏

姚氏婦楊氏

張洪初妻劉氏

董景起妻張氏

陽尼妻高氏

史映周妻耿氏

任城國太妃孟氏

苟金龍妻劉氏

盧元禮妻李氏

河東孝女姚氏

刁思遵妻魯氏

魏書卷九十三

列傳第八十一恩倖

王睿

子襲 睿弟子翔

椿妻魏氏 靜

王仲興

寇猛

趙修

茹皓

劉育 常季賢 陳掃靜 徐義恭

趙邕

侯剛

鄭儼

徐紇

魏書卷九十四

列傳第八十二閹官

宗愛

仇洛齊

子儼

段霸

王琚

趙黑子熾

孫小

張宗之妻兄子蕭彥

劇鵬兄買奴 李豐

張祐子慶

抱疑從弟老壽
石榮

王遇

苻承祖

王質

李堅

秦松

白整

劉騰

買粲

楊範

成軌

王温

孟鸞

平季

封津兄憑

劉思逸張景滿 毛暢

列傳第八十三

匈奴劉聰父淵 子榮

翔胡石勒子大雅 從子 虎 虎子世

遵 鑿 王 冉 閔

鐵弗劉虎子務桓 務桓子悉

勿祈 衛辰 子昌 衛辰子定

徒河慕容廆子元真 元真子儻

鹿弟孫承 元真子垂 垂子寶 寶子威

垂子熙 高雲 元真子德 德兄子超

臨渭氏苻健父洪 子丕 丕族子登 登子崇

羌姚萇父弋仲 兄襄 子興 興子泓

略陽氏呂光子紹 纂 纂從弟隆

列傳第八十四

僭晉司馬叡子紹 紹子衍 衍子岳 岳子聘 聘子叡 叡子昱

竇李雄父特 叔父流 兄班 雄子期

魏書卷九十七

列傳第八十五

島夷桓玄

海夷馮跋 弟文通

島夷劉裕

子義符 子子業

義隆 義隆子威

威子昱

駿 準

魏書卷九十八

列傳第八十六

島夷蕭道成

子蹟 子寶

蹟孫昭業 寶融

道成兄子鸞

島夷蕭衍

魏書卷九十九

列傳第八十七

私署涼州牧張寔

父執駿 寔弟茂

寔子駿 重華子玄靖

駿子重華 駿子天錫

重華子曜靈

鮮卑乞伏國仁

子熾 熾子暮末

鮮卑秃髮烏孤

弟利鹿孤 傳檀孤

私署涼王李暹

子歆 子恂

盧水胡沮渠蒙遜

子牧健 兄子萬年

秉祖蒙遜

子安周 無諱

魏書卷一百

列傳第八十八

高句麗

百濟

勿吉

失韋

豆莫婁

地豆干

庫莫奚

契丹

烏洛侯

魏書卷一百一 闕

列傳第八十九

氏楊難敵

吐谷渾

乙弗勿敵國
阿蘭國
女王

宕昌羌

高昌

鄧至

蠻

獠

魏書卷一百二 闕

列傳第九十

西域

且彌

且末焉耆

于闐

蒲山

悉居半

尉頭

烏孫

疏勒

車師

至拔

迷密

悉萬斤

半知

忸密

阿弗

粟特

呼似

波斯

諾色

伏盧尼

伽至伽

不單

者舌

大秦

伽倍

折薛

波路

小月

弗敵

賓沙

吐闊

副貨

南天竺

波知

疊伏

羅彌

拔豆

烏葛

嚧噠

乾陀

朱居

渴

魏書卷一百三

列傳第九十一

蠕蠕

匈奴宇文莫槐

徒河段就六眷

高車

吐突隣

侯呂

紇突隣

薛于部

越勒倍泥部

破多蘭部

黜弗素古延部

魏書卷一百四

列傳第九十二

序傳

志

魏書卷一百五

志第一

天象一之一

魏書卷一百五

志第二

天象一之二

魏書卷一百五

闕

志第三

天象一之三

魏書卷一百五

闕

志第四

天象一之四

魏書卷一百六四

志第五

地形二上

魏書卷一百六三

志第六

地形二中

魏書卷一百六二

志第七

地形二下

魏書卷一百七一

志第八

律曆三上

魏書卷一百七

志第九

律曆三下

魏書卷一百八十二

志第十

禮四之一

魏書卷一百八十一

志第十一

禮四之二

魏書卷一百八

志第十二

禮四之三

魏書卷一百八

志第十三

禮四之四

魏書卷一百九

志第十四

樂十二

魏書卷一百十

志第十五

食貨

魏書卷一百一十一

志第十六

刑罰

魏書卷一百一十二

志第十七

靈徵上

魏書卷一百一十二

志第十八

靈徵下

魏書卷一百一十三

志第十九

官氏

魏書卷一百一十四

志第二十

釋老

魏書目錄

詩書目錄

卷一

卷二

卷三

卷四

詩書卷一百一十四

卷五

卷六

詩書卷一百一十三

卷七

卷八

詩書卷一百一十二

魏書十二紀九十二列傳十志凡一百一十四篇舊分爲一百三十卷北齊尙書右僕射魏收撰初魏史官鄧淵崔浩高允皆作編年書遺落時事三不存一太和中李彪崔光始分紀傳表志之目宣武時邢巒撰高祖起居注崔鴻王遵業補續下逮明帝其後溫子昇作莊帝紀三卷濟陰王暉業撰辨宗室錄三十卷魏末山偉以代人詔附元天穆尅朱世隆與慕容儁更主國書二十餘年事迹蕩然萬不記一北齊文宣天保二年詔魏收修魏史博訪百家譜狀搜采遺軼包舉一代始終頗爲詳悉收所取史官本欲才不逮己故房延祐辛元植睦仲刀柔裴昂之高孝幹皆不工著述其三十五例二十五序九十四論前後二表一啓咸出於收五年表上之悉焚崔李舊書收黨齊毀魏褒貶肆情時論以爲不平文宣命收於尙書省與諸家子孫訴訟者百餘人評論收始亦辨答後不能抗范陽盧斐頓丘李庶太原王松年並坐謗史受鞭配甲坊有致死者衆口沸騰號爲穢史時僕射楊愔高正德用事收皆爲其家作傳二人深黨助之抑塞訴辭不復重論亦未頒行孝昭皇建中命收更加審覈收請寫二本一送并

省一付鄴下欲傳錄者聽之羣臣競攻其失武成復敕收更易刊正收既以魏史招衆怨咎齊亡之歲盜發其冢棄骨于外隋文帝以收書不實平繪中興書敘事不倫命魏澹顏之推辛德源更撰魏書九十二卷以西魏爲正東魏爲僞義例簡要大矯收繪之失文帝善之煬帝以澹書猶未盡善更敕楊素及潘徽褚亮歐陽詢別修魏書未成而素卒唐高祖武德五年詔侍中陳叔達等十七人分撰後魏北齊周隋梁陳六代史歷年不成太宗初從祕書奏罷修魏書止撰五代史高宗時魏澹孫同州刺史克己續十志十五卷魏之本系附焉唐書藝文志又有張大素後魏書一百卷裴安時元魏書三十卷今皆不傳稱魏史者惟以魏收書爲主焉孔子稱質勝文則野文勝質則史三代文章莫盛於周東周秦漢雖戰爭喪亂前古遺風餘烈流而未絕賢君忠臣蹈道之徒功業行誼彰灼顯布高才秀士詞章論議諫諍辯說嘉謀奇策皆可以驚聽動俗爲後世軌範而左丘明司馬遷班固以良史之才博學善敘事不虛美隱惡故傳之簡牘千餘年而不磨滅東漢魏晉去聖人稍遠史官才益淺薄永與失政戎狄

亂華先王之澤掃地盡矣拓跋氏乘後燕之衰蠶食并冀暴師喋血三十餘年而中國略定其始也公卿方鎮皆故部落酋大雖參用趙魏舊族往往以猜忌夷滅爵而無祿故吏多貪墨刑法峻急故人相殘賊不貴禮義故士無風節賂大行故俗尚傾奪遷洛之後稍用夏禮宣武柔弱孝明沖幼政刑弛緩風俗媮惡上下相蒙紀綱大壞母后亂於內羣盜撓其外禍始於六鎮釁成於丕朱國分爲二而亡矣雖享國百餘年典章制度內外風俗大抵與劉石慕容苻姚略同道武太武暴戾甚於聰虎孝文之彊不及苻堅其文章儒學之流旣無足紀述謀臣辯士將帥功名又不可希望前世而修史者言詞質俚取捨失衷其文不直其事不核終篇累卷皆官爵州郡名號雜以冗委瑣曲之事覽之厭而遺忘學者陋而不習故數百年間其書亡逸不完者無慮三十卷今各疏于逐篇之末然上繼魏晉下傳周齊隋唐六十年廢興大略不可闕也臣效臣恕臣燕臣祖禹謹敘目錄昧死上

魏書目錄考證

魏書卷三卷十二卷十三卷十四卷十五卷十六卷十七卷十八卷十九上卷
二十卷二十二卷二十五卷三十四卷八十一卷八十二卷八十三上下卷
八十四卷八十五卷八十六卷八十七卷八十九卷九十一卷九十二卷一
百一卷一百二卷一百三卷一百四卷一百五之三四共二十九卷或闕或
不全○馮夢禎云元魏書顛末范祖禹序之詳矣時魏收原書已闕三十餘
卷乃雜採李延壽北史修文御覽高氏小史等書補綴成之非完璧也

列傳第二武衛將軍謂注興都子東陽王丕○臣人龍按東陽王名丕樂平王

亦名丕他若諸王子孫名相同者如臨淮王譚趙郡王幹子亦名譚東平王
略廣川王亦名略中山王纂東平王略第亦名纂陽平王新成孫融章武王
太洛孫亦名融昌樂王誕濟陽王小新城子鸞鸞第子亦名誕其他錯見於
列傳者更不可勝數豈傳聞異辭沿襲易舛故致然歟

列傳第七濟陰王小新城注鸞第子誕○本書濟陰王傳鸞小新成子據此應

魏書卷一

齊

魏

收

撰

帝紀第一

序紀

昔黃帝有子二十五人或內列諸華或外分荒服昌意少子受封北土國有大鮮卑山因以爲號其後世爲君長統幽都之北廣漠之野畜牧遷徙射獵爲業淳樸爲俗簡易爲化不爲文字刻木紀契而已世事遠近人相傳授如史官之紀錄焉黃帝以土德王北俗謂土爲托謂后爲跋故以爲氏其裔始均入仕堯世逐女魃於弱水之北民賴其勤帝舜嘉之命爲田祖爰歷三代以及秦漢獯鬻獫狁山戎匈奴之屬累代殘暴作害中州而始均之裔不交南夏是以載籍無聞焉積六十七世至成皇帝諱毛立聰明武略遠近所推統國三十六大姓九十九威振北方莫不率服崩

節皇帝諱貸立崩

魏

書

卷一

帝紀

中華書局聚

莊皇帝諱觀立崩

明皇帝諱樓立崩

安皇帝諱越立崩

宣皇帝諱推寅立南遷大澤方千餘里厥土昏冥沮洳謀更南徙未行而崩

景皇帝諱利立崩

元皇帝諱俟立崩

和皇帝諱肆立崩

定皇帝諱機立崩

僖皇帝諱蓋立崩

威皇帝諱儉立崩

獻皇帝諱隣立時有神人言於國曰此土荒遐未足以建都邑宜復徙居帝時

年衰老乃以位授子

聖武皇帝諱詰汾獻帝命南移山谷高深九難入阻於是欲止有神獸其形似

馬其聲類牛先行導引歷年乃出始居匈奴之故地其遷徙策略多出宣獻二帝故人並號曰推寅蓋俗云鑽研之義初聖武帝嘗率數萬騎田於山澤歛見輜輶自天而下既至見美婦人侍衛甚盛帝異而問之對曰我天女也受命相偶遂同寢宿旦請還曰明年周時復會此處言終而別去如風雨及期帝至先所田處果復相見天女以所生男授帝曰此君之子也善養視之子孫相承當世爲帝王語訖而去子卽始祖也故時人諺曰詰汾皇帝無婦家力微皇帝無舅家帝崩

始祖神元皇帝諱力微立生而英叡

元年歲在庚子先是西部內侵國民離散依於沒鹿回部大人嘗賓始祖有雄傑之度時人莫測後與賓攻西部軍敗失馬步走始祖使人以所乘駿馬給之賓歸令其部內求與馬之人當加重賞始祖隱而不言久之賓乃知大驚將分國之半以奉始祖始祖不受乃進其愛女賓猶思報恩固問所欲始祖請率所部北居長川賓乃敬從積十數歲德化大洽諸舊部民咸來歸附

二十九年賓臨終戒其二子使謹奉始祖其子不從乃陰謀爲逆始祖召殺之
盡并其衆諸部大人悉皆款服控弦上馬二十餘萬

三十九年遷於定襄之盛樂夏四月祭天諸部君長皆來助祭唯白部大人觀
望不至於是徵而戮之遠近肅然莫不震懾始祖乃告諸大人曰我歷觀前世
匈奴蹋頓之徒苟貪財利抄掠邊民雖有所得而其死傷不足相補更招寇讎
百姓塗炭非長計也於是與魏和親

四十二年遣子文帝如魏且觀風土魏景元二年也文皇帝諱沙漠汗以國太
子留洛陽爲魏賓之冠聘問交市往來不絕魏人奉遺金帛繒絮歲以萬計始
祖與隣國交接篤信推誠不爲倚伏以要一時之利寬恕任真而遐邇歸仰魏
晉禪代和好仍密始祖春秋已邁帝以父老求歸晉武帝具禮護送

四十八年帝至自晉

五十六年帝復如晉其年冬還國晉遺帝錦罽繒綵綿絹諸物咸出豐厚車牛
百乘行遠并州晉征北將軍衛瓘以帝爲人雄異恐爲後患乃密啓晉帝請留

不違晉帝難於失信不許瑾復請以金錦賂國之大人令致間隙使相危害晉帝從之遂留帝於是國之執事及外部大人皆受瑾貨

五十八年方遣帝始祖聞帝歸大悅使諸部大人詣陰館迎之酒酣帝仰視飛鳥請諸大人曰我爲汝曹取之援彈飛丸應弦而落時國俗無彈衆咸大驚乃相謂曰太子風采被服同於南夏兼奇術絕世若繼國統變易舊俗吾等必不得志不若在國諸子習本淳樸咸以爲然且離間素行乃謀危害並先馳還始祖問曰我子既歷他國進德何如皆對曰太子才藝非常引空弓而落飛鳥是似得晉人異法怪術亂國害民之兆惟願察之自帝在晉之後諸子愛寵日進始祖年踰期頤頗有所惑聞諸大人之語意乃有疑因曰不可容者便當除之於是諸大人乃馳詣塞南矯害帝既而始祖甚悔之帝身長八尺英姿瓌偉在晉之日朝士英俊多與親善雅爲人物歸仰後乃追謚焉其年始祖不豫烏丸王庫賢親近任勢先受衛瑾之貨故欲沮動諸部因在庭中礪鉞斧諸大人問欲何爲答曰上恨汝曹讒殺太子今欲盡收諸大人長子殺之大人皆信各各

散走始祖尋崩凡饗國五十八年年一百四歲太祖卽位尊爲始祖
章皇帝諱悉鹿立始祖之子也諸部離叛國內紛擾饗國九年而崩

平皇帝諱縛立章帝之少弟也雄武有智略威德復舉

七年匈奴宇文部大人莫槐爲其下所殺更立莫槐弟普撥爲大人帝以女妻
撥子丘不懃帝饗國七年而崩

思皇帝諱弗立文帝之少子也聰哲有大度爲諸父兄所重政崇寬簡百姓懷
服饗國一年而崩

昭皇帝諱祿官立始祖之子也分國爲三部帝自以一部居東在上谷北瀋源
之西東接宇文部以文帝之長子桓皇帝諱猗匄統一部居代郡之參合陂北
以桓帝之弟穆皇帝諱猗廬統一部居定襄之盛樂故城自始祖以來與晉和
好百姓又安財畜富實控弦騎士四十餘萬是歲穆帝始出并州遷雜胡北徙
雲中五原朔方又西渡河擊匈奴烏桓諸部自杏城以北八十里迄長城原夾
道立碣與晉分界

二年葬文帝及皇后封氏初思帝欲改葬未果而崩至是遂成前意焉晉成都王司馬穎遣從事中郎田思河間王司馬顥遣司馬靳利并州刺史司馬騰遣主簿梁天並來會葬遠近赴者二十萬人

三年桓帝度漠北巡因西略諸國

四年東部未耐婁大人倍斤入居遼東

五年宇文莫虜之子遜昵延朝貢帝嘉其誠款以長女妻焉

七年桓帝至自西略諸降附者二十餘國凡積五歲今始東還

十年晉惠帝爲成都王穎逼留在鄴匈奴別種劉淵反於離石自號漢王并州刺史司馬騰來乞師桓帝率十餘萬騎帝亦同時大舉以助之大破淵衆於西河上黨會惠帝還洛騰乃辭師桓帝與騰盟於汾東而還乃使輔相衛雄段繁於參合陂西累石爲亭樹碑以記行焉

十一年劉淵攻司馬騰騰復乞師桓帝以輕騎數千救之斬淵將綦母豚淵南走蒲子晉假桓帝大單于金印紫綬是歲桓帝崩帝英傑魁岸馬不能勝常乘

安車駕大牛牛角容一石帝曾中蠱嘔吐之地仍生榆木參合陂土無榆樹故世人異之至今傳記帝統部凡十一年後定襄侯衛操樹碑於大邗城以頌功德子普根代立

十二年竇人李雄僭帝號於蜀自稱大成

十三年昭帝崩徒何大單于慕容廆遣使朝貢是歲羯胡石勒與晉馬牧帥汲桑反

穆皇帝天姿英特勇略過人昭帝崩後遂總攝三部以爲一統

元年劉淵僭帝號自稱大漢

三年晉并州刺史劉琨遣使以子遵爲質帝嘉其意厚報饋之白部大人叛入西河鐵弗劉虎舉衆於鴈門以應之攻琨新興鴈門二郡琨來乞師帝使弟子平文皇帝將騎二萬助琨擊之大破白部次攻劉虎屠其營落虎收其餘燼西走度河竄居朔方晉懷帝進帝大單于封代公帝以封邑去國懸遠民不相接乃從琨求句注陁北之地琨自以託附聞之大喜乃徙馬邑陰館樓煩繁峙崞

五縣之民於陘南更立城邑盡獻其地東接代郡西連西河朔方方數百里帝乃徙十萬家以充之劉琨又遣使乞師救洛陽帝遣步騎二萬助之晉太傅東海王司馬越辭以洛中饑饉師乃還是年劉淵死子聰僭立

四年劉琨牙門將邪延據新興叛招引劉聰帝遣軍討之聰退走

五年劉琨遣使乞師以討劉聰石勒帝以琨忠義矜而許之會聰遣其子粲襲晉陽害琨父母而據其城琨來告難帝大怒遣長子六脩桓帝子普根及衛雄范班姬澹等爲前鋒帝躬統大衆二十萬爲後繼粲懼焚輜重突圍遁走縱騎追之斬其將劉儒劉豐簡令張平邪延伏尸數百里琨來拜謝帝以禮待之琨固請進軍帝曰吾不早來致卿父母見害誠以相愧今卿已復州境然吾遠來士馬疲弊且待終舉賊矣可盡乎饋琨馬牛羊各千餘車令百乘又面動銳戍之而還是年晉雍州刺史賈疋京兆太守閻鼎以晉懷帝爲劉聰所執共立懷帝兄子秦王業爲太子於長安稱行臺帝復戒嚴與琨更剋大舉命琨自列晉行臺部分諸軍帝將遣十萬騎從西河鑿谷南出晉軍從蒲坂東度會於平陽

就食聽粟迎復晉帝事不果行

六年城盛樂以爲北都脩故平城以爲南都帝登平城西山觀望地勢乃更南
百里於灑水之陽黃瓜堆築新平城晉人謂之小平城使長子六脩鎮之統領
南部

七年帝復與劉琨約期會於平陽會石勒擒王浚國有匈奴雜胡萬餘家多勒
種類聞勒破幽州乃謀爲亂欲以應勒發覺伏誅討聰之計於是中止

八年晉愍帝進帝爲代王置官屬食代常山二郡帝忿聰勒之亂志欲平之先
是國俗寬簡民未知禁至是明刑峻法諸部民多以違命得罪凡後期者皆舉
部戮之或有室家相攜而赴死所人問何之答曰當往就誅其威嚴伏物皆此
類也

九年帝召六脩六脩不至帝怒討之失利乃微服民間遂崩普根先守外境聞
難來赴攻六脩滅之衛雄姬澹率晉人及烏丸三百餘家隨劉遵南奔并州普
根立月餘而薨普根子始生桓帝后立之其冬普根子又薨是年李雄遣使朝

貢

平文皇帝諱鬱律立思帝之子也姿質雄壯甚有威略

元年歲在丁丑

二年劉虎據朔方來侵西部帝逆擊大破之虎單騎迸走其從弟路孤率部落內附帝以女妻之西兼烏孫故地東吞勿吉以西控弦上馬將有百萬劉聰死子粲僭立爲其將靳準所殺淵族子曜僭立帝聞晉愍帝爲曜所害顧謂大臣曰今中原無主天其資我乎劉曜遣使請和帝不納是年司馬叡僭稱大位於

江南

三年石勒自稱趙王遣使乞和請爲兄弟帝斬其使以絕之

四年私署涼州刺史張茂遣使朝貢

五年僭晉司馬叡遣使韓暢加崇爵服帝絕之治兵講武有平南夏之意桓帝后以帝得衆心恐不利於己子害帝遂崩大人死者數十人天與初尊曰太祖惠皇帝諱賀儔立桓帝之中子也以五年爲元年未親政事太后臨朝遣使與

石勒通和時人謂之女國使

二年司馬叡死子紹僭立

四年帝始臨朝以諸部人情未悉款順乃築城於東木根山徙都之是年張茂死兄寔子駿立遣使朝貢

五年帝崩是年司馬紹死子衍僭立

煬皇帝諱紇那立惠帝之弟也以五年爲元年

三年石勒遣石虎率騎五千來寇邊部帝禦之於句注陁北不利遷於大寧時烈帝居於舅賀蘭部帝遣使求之賀蘭部帥藹頭擁護不遣帝怒召宇文部并勢擊藹頭宇文衆敗帝還大寧

四年石勒擒劉曜

五年帝出居於宇文部賀蘭及諸部大人共立烈帝

烈皇帝諱翳槐立平文之長子也以五年爲元年石勒遣使求和帝遣弟昭成皇帝如襄國從者五千餘家

二年石勒僭立自稱大趙王

五年勒死子大雅僭立慕容廆死子元真代立

六年石虎廢大雅僭立李雄死兄子班立雄子期殺班自立

七年藹頭不脩臣職召而戮之國人復貳煬帝自宇文部還入諸部大人復奉之

煬皇帝復立以七年爲後元年烈帝出居於鄴石虎奉第宅伎妾奴婢什物

三年石虎遣將李穆率騎五千納烈帝於大寧國人六千餘落叛煬帝煬帝出居於慕容部

烈皇帝復立以三年爲後元年城新盛樂城在故城東南十里一年而崩

昭成皇帝諱什翼犍立平文之次子也生而奇偉寬仁大度喜怒不形于色身

長八尺隆準龍顏立髮委地臥則乳垂至席烈帝臨崩顧命曰必迎立什翼犍

社稷可安烈帝崩帝弟孤乃自詣鄴奉迎與帝俱還事在孤傳十一月帝卽位

於繁峙之北時年十九稱建國元年是歲李雄從弟壽殺期僭立自號曰漢

二年春始置百官分掌衆職東自滅貊西及破洛那莫不款附夏五月朝諸大人於參合陂議欲定都溼源川連日不決乃從太后計而止語在皇后傳媵慕容元真妹爲皇后

三年春移都於雲中之盛樂宮

四年秋九月築盛樂城於故城南八里皇后慕容氏崩冬十月劉虎寇西境帝遣軍逆討大破之虎僅以身免虎死子務桓立始來歸順帝以女妻之十二月慕容元真遣使朝貢并薦其宗女

五年夏五月幸參合陂秋七月七日諸部畢集設壇埒講武馳射因以爲常八月還雲中是年秋司馬衍死弟岳僭立

六年秋八月慕容元真遣使請薦女是年李壽死子勢僭立遣使朝貢

七年春二月遣大人長孫秩迎后慕容氏元真之女於境夏六月皇后至自和

龍秋七月慕容元真遣使奉聘求交婚帝許之九月以烈帝女妻之其年司馬

岳死子聃僭立

八年慕容元真遣使朝貢是年張駿私暑假涼王

九年石虎遣使朝貢是年張駿死子重華代立

十年遣使詣鄴觀釁是年司馬聃擒李勢張重華遣使朝貢

十一年慕容元真死子儁代立

十二年西巡至河而還是年石虎死子世立世兄遵殺世自立遵兄鑿殺遵自立

十三年魏郡人冉閔殺石鑿儁立

十四年帝曰石胡衰滅冉閔肆禍中州紛梗莫有匡救吾將親率六軍廓定四海乃勅諸部各率所統以俟大期諸大人諫曰今中州大亂誠宜進取如聞豪彊並起不可一舉而定若或留連經歷歲稔恐無永逸之利或有虧損之憂帝乃止是歲氏苻健僭稱大位自號大秦

十五年慕容儁滅冉閔僭尊號

十六年慕容儁遣使朝貢是年張重華死子曜靈立重華庶兄祚殺曜靈而自

立稱涼公

十七年遣使於慕容儁張祚復稱涼王置百官遣使朝貢

十八年太后王氏崩是年苻健死子生僭立羌姚襄自稱大將軍大單于張瓘宋混殺張祚立重華少子玄靖稱涼王

十九年春正月劉務桓死其弟闕頭立潛謀反叛二月帝西巡因而臨河使人招喻闕頭從命冬慕容儁來請婚許之

二十年夏五月慕容儁奉納禮幣是年苻堅殺苻生而僭立姚襄爲苻眉所殺二十一年闕頭部民多叛懼而東走渡河半濟而冰陷後衆盡歸闕頭兄子悉勿祈初闕頭之叛悉勿祈兄弟十二人在帝左右盡遣歸欲其自相猜離至是悉勿祈奪其衆闕頭窮而歸命帝待之如初

二十二年春帝東巡至於桑乾川三月慕容儁遣使朝貢夏四月帝還雲中悉勿祈死弟衛辰立秋八月衛辰遣子朝貢

二十三年夏六月皇后慕容氏崩秋七月衛辰來會葬因而求婚許之是歲慕容

容儻死子暉立遣使致賻

二十四年春衛辰遣使朝聘是年司馬聃死衍子千齡儻立

二十五年帝南巡至君子津冬十月行幸代十一月慕容暉薦女備後宮

二十六年冬十月帝討高車大破之獲萬口馬牛羊百餘萬頭是年張重華弟天錫殺玄靖而自立

二十七年春車駕還雲中冬十一月討沒歌部破之獲牛馬羊數百萬頭

二十八年春正月衛辰謀反東渡河帝討之衛辰懼而遁走冬十二月苻堅遣使朝貢是歲司馬千齡死弟奕儻立

二十九年夏五月遣燕鳳使苻堅

三十年冬十月帝征衛辰時河冰未成帝乃以葦絙約澌俄然冰合猶未能堅乃散葦於上冰葦相結如浮橋焉衆軍利涉出其不意衛辰與宗族西走收其部落而還俘獲生口及馬牛羊數十萬頭

三十一年春帝至自西伐班賞各有差

三十二年正月帝南幸君子津冬十月幸代

三十三年冬十一月征高車大破之是年苻堅擒慕容暉

三十四年春長孫斤謀反伏誅斤之反也拔刃向御座太子獻明皇帝諱寔格之傷脇夏五月薨後追謚焉秋七月皇孫珪生大赦是年司馬奕臣桓溫廢奕爲海西公立叡子昱

三十五年司馬昱死子昌明僭立

三十六年夏五月遣燕鳳使苻堅

三十七年帝征衛辰衛辰南走

三十八年衛辰求援於苻堅

三十九年苻堅遣其大司馬苻洛率衆二十萬及朱彤張蚝鄧羌等諸道來寇侵逼南境冬十一月白部獨孤部禦之敗績南部大人劉庫仁走雲中帝復遣庫仁率騎十萬逆戰於石子嶺王師不利帝時不豫羣臣莫可任者乃率國人避於陰山之北高車雜種盡叛四面寇鈔不得芻牧復度漠南堅軍稍退乃還

十二月至雲中旬有二日帝崩時年五十七太祖卽位尊曰高祖帝雅性寬厚
智勇仁恕時國中少繒帛代人許謙盜絹二匹守者以告帝匿之謂燕鳳曰吾
不忍視謙之面卿勿泄言謙或慙而自殺爲財辱士非也帝嘗擊西部叛賊流
矢中目賊破之後諸大臣執射者各持錐刀欲屠割之帝曰彼各爲其主何罪
也乃釋之是歲苻堅滅張天錫

史臣曰帝王之興也必有積德累功博利道協幽顯方契神祇之心有魏奄迹
幽方世居君長淳化育民與時無競神元生自天女桓穆勤於晉室靈心人事
夫豈徒然昭成以雄傑之姿包君子之量征伐四克威被荒遐乃立號改都恢
隆大業終於百六十載光宅區中其原固有由矣

魏書卷一

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

魏書卷一考證

序紀始均之裔不交南夏是以載籍無聞焉積六十七世至成皇帝諱毛立○
臣照按北史作六七十代蓋李延壽意謂始均自堯時以迄兩漢豈能確數
為六十七世故約略其文耳顧外域傳習舊聞龐固專壹魏收必非無據而
定為六十七者不可以彼議此也

昭帝紀帝英傑魁岸○北史帝字上有桓字蓋上文稱桓帝率十餘萬騎帝亦
同時大舉以助之帝謂昭帝也則此帝字及下帝統部凡十一年句皆指桓
帝北史文較明顯

徒何大單于慕容廆○綱目集覽何作河徒河漢縣名屬平州故城在遼東廣
寧中屯衛境北史慕容氏與段氏俱稱徒河本書或作河或作何前後互異
穆帝紀乃從琨求句注陁北之地○注監本訛作主句注山名在今代州地本
卷帝禦之于句注陁北亦作注今改正

然吾遠來士馬疲弊且待終舉賊矣可盡乎○
臣照按文義疑應作且待終舉

矣賊可盡乎終舉猶言後舉也賊可盡乎卽左傳盡敵而返敵可盡乎之義
盡音儘

晉雍州刺史賈疋○疋監本訛匹疋卽雅字古文也从一从止與疋字或作匹
者不同今改正

昭成帝紀媼慕容元真妹爲皇后○元真北史作晃又一本媼作聘晉書載記
晃字元真今不稱晃蓋避景穆諱也說文媼同聘與媼媼字作平聲者別

魏書卷一考證

齊

魏

收

撰

帝紀第二

太祖紀

太祖道武皇帝諱珪昭成皇帝之嫡孫獻明皇帝之子也母曰獻明賀皇后初因遷徙遊于雲澤旣而寢息夢日出室內寤而見光自牖屬天歛然有感以建國三十四年七月七日生太祖於參合陂北其夜復有光明昭成大悅羣臣稱慶大赦告於祖宗保者以帝體重倍於常兒竊獨奇惟明年有榆生於埋胞之坎後遂成林弱而能言目有光曜廣顙大耳衆咸異之年六歲昭成崩苻堅遣將內侮將遷帝於長安旣而獲免語在燕鳳傳堅軍旣還國衆離散堅使劉庫仁劉衛辰分攝國事南部大人長孫嵩及元他等盡將故民南依庫仁帝於是轉幸獨孤部

元年葬昭成皇帝於金陵營梓宮木柩盡生成林帝雖冲幼而巍然不羣庫仁

常謂其子曰帝有高天下之志興復洪業光揚祖宗者必此主也

二年冬十月苻堅敗于淮南是月慕容文等殺庫仁庫仁弟眷攝國部

八年慕容暉弟冲僭立姚萇自稱大單于萬年秦王慕容垂僭稱燕王

九年庫仁子顯殺眷而代之乃將謀逆商人王霸知之履帝足於衆中帝乃馳

還是時故大人梁蓋盆子六眷爲顯謀主盡知其計密使部人穆崇馳告帝乃

陰結舊臣長孫犍元他等秋八月乃幸賀蘭部其日顯果使人求帝不及語在

獻明太后傳是歲鮮卑乞伏國仁私署大單于苻堅爲姚萇所殺子丕僭立

登國元年春正月戊申帝卽代王位郊天建元大會於牛川復以長孫嵩爲南

部大人以叔孫普洛爲北部大人班爵敘勳各有差二月幸定襄之盛樂息衆

課農三月劉顯自善無南走馬邑其族奴真率所部來降夏四月改稱魏王五

月車駕東幸陵石護佛侯部帥侯辰乙弗部帥代題叛走諸將追之帝曰侯辰

等世脩職役雖有小愆宜且忍之當今草擗人情未一愚近者固應趨起不足

追也秋七月己酉車駕還盛樂代題復以部落來降旬有數日亡奔劉顯帝使

其孫倍斤代領部落是月劉顯第亢泥率騎掠奴真部落既而率以來降初帝叔父窟咄爲苻堅徙于長安因隨慕容永承以爲新興太守八月劉顯遣第亢泥迎窟咄以兵隨之來逼南境於是諸部騷動人心願望帝左右于植等與諸部人謀爲逆以應之事泄誅造謀者五人餘悉不問帝慮內難乃北踰陰山幸賀蘭部阻山爲固遣行人安同長孫賀使于慕容垂以徵師垂遣使朝貢并令其子賀麟帥步騎以隨同等冬十月賀麟軍未至而寇已前逼於是北部大人叔孫普洛等十三人及諸烏丸亡奔衛辰帝自弩山遷幸牛川屯于延水南出代谷會賀麟於高柳大破窟咄窟咄奔衛辰殺之帝悉收其衆十二月慕容垂遣使朝貢奉帝西單于印綬封上谷王帝不納是歲慕容垂僭稱皇帝於中山自號大燕苻丕死苻登自立於隴東姚萇稱皇帝於長安自號大秦慕容沖爲部下所殺慕容永僭立

二年春正月班賜功臣長孫嵩等七十三人各有差二月帝幸甯川夏五月遣行人安同徵兵於慕容垂使子賀麟率衆來會六月帝親征劉顯於馬邑南

追至彌澤大破之顯南奔慕容永盡收其部落秋八月帝至自伐顯冬十月癸卯幸濡源遣外朝大人王建使於慕容垂十一月遂幸赤城十有二月巡松漠還幸牛川

三年春二月帝東巡夏四月幸東赤城五月癸亥北征庫莫奚六月大破之獲其四部雜畜十餘萬渡弱落水班賞將士各有差秋七月庚申庫莫部帥鳩集遺散夜犯行宮縱騎撲討盡殺之其月帝還赤城八月使九原公元儀使於慕容垂冬十月慕容垂遣使朝貢十有二月辛卯車駕西征至女水討解如部大破之獲男女雜畜十數萬是歲乞伏國仁死弟乾歸立私署河南王

四年春正月甲寅襲高車諸部落大破之二月癸巳至女水討叱突鄰部大破之戊戌賀染干兄弟率諸部來救與大軍相遇逆擊走之夏四月行還赤城五月陳留公元虔使於慕容垂冬十月垂遣使朝貢是歲氐呂光自稱三河王遣使朝貢

五年春三月甲申帝西征次鹿渾海襲高車袁紇部大破之虜獲生口馬牛羊

二十餘萬慕容垂遣子賀麟率衆來會夏四月丙寅行幸意辛山與賀麟討賀
蘭紇突鄰紇奚諸部落大破之六月還幸牛川衛辰遣子直力鞬寇賀蘭部圍
之賀納等請降告困秋七月丙子帝引兵救之至羊山直力鞬退走入月還幸
牛川遣察王觚使於慕容垂九月壬申討叱奴部於囊曲河大破之冬十月遷
雲中討高車豆陳部於狼山破之十有二月紇奚部大人庫寒舉部內屬十有
二月紇突鄰大人屈地鞬舉部內屬帝還次白漠

六年春二月幸紐埵川三月遣九原公元儀陳留公元虔等西討黜弗部大破
之夏四月祠天六月慕容賀麟破賀訥於赤城帝引兵救之麟退走秋七月壬
申講武於牛川行還紐埵川慕容垂止元觚而求名馬帝絕之乃遣使於慕容
垂使其大鴻臚慕容鈞奉表勸進尊號其月衛辰遣子直力鞬出柵陽塞侵
及黑城九月帝襲五原屠之收其積穀還紐埵川於柵陽塞北樹碑記功冬十
月戊戌北征蠕蠕追之及於大磧南牀山下大破之班賜從臣各有差其東西
二部主匹候跋及緼紇提斯別帥屋擊于事具蠕蠕傳十有一月戊辰還幸紐

埤川戊寅衛辰遣子直力鞬寇南部己卯車駕出討壬午大破直力鞬軍於鐵岐山南獲其器械輜重牛羊二十餘萬戊子自五原金津南渡河辛卯次其所居悅跋城衛辰父子奔遁壬辰詔諸將追之擒直力鞬十有二月獲衛辰尸斬以徇遂滅之語在衛辰傳衛辰少子屈丐亡奔薛于部車駕次于鹽池自河以南諸部悉平簿其珍寶畜產名馬三十餘萬匹牛羊四百餘萬頭班賜大臣各有差收衛辰子弟宗黨無少長五千餘人盡殺之山胡酋大幡頽業易于等率三千餘家降附出居于馬邑是歲起河南宮

七年春正月幸木根山遂次黑鹽池饗宴羣臣觀諸國貢使北之美水三月甲子宴羣臣於水濱還幸河南宮西部泣黎大夫茂鮮叛走遣南部大人長孫嵩追討大破之夏五月班賜諸官馬牛羊各有差秋八月行幸漠南仍築巡臺冬十有二月慕容永遣使朝貢是歲皇子嗣生

八年春正月帝南巡二月幸殺羊原赴白樓三月車駕西征侯呂鄰部夏四月至苦水大破之五月還幸白樓慕容垂討慕容永於長子六月車駕北巡永來

告急遣陳留公元虔將軍庾岳率騎五萬東度河救之破類拔部帥劉曜等徙其部落元虔等因屯秀容慕容垂遂圍長子秋七月車駕臨幸新壇庚寅宴羣臣仍講武先是衛辰子屈丐奔薛于部徵之不送八月帝南征薛于部帥太悉佛於三城會其先出擊曹覆帝乘虛屠其城獲太悉佛子珍寶徙其民而還太悉佛聞之來赴不及遂奔姚興九月還幸河南宮是歲姚萇死

九年春三月帝北巡使東平公元儀屯田於河北五原至於柤陽塞外夏五月田於河東秋七月還幸河南宮冬十月蠕蠕社崙等率部落西走事具蠕蠕傳是歲姚萇子興僭立殺苻登慕容垂滅永

十年春正月太悉佛自長安還嶺北上郡以西皆應之夏五月幸鹽池六月還幸河南宮秋七月慕容垂遣其子寶來寇五原造船收穀帝遣右司馬許謙徵兵於姚興東平公元儀徙據朔方八月帝親治兵於河南九月進師臨河築臺告津連旌沿河東西千里有餘是時陳留公元虔五萬騎在東以絕其左元儀五萬騎在河北以承其後略陽公元遵七萬騎塞其中山之路冬十月辛未寶

燒船夜遁十一月己卯帝進軍濟河乙酉夕至參合陂丙戌大破之語在寶傳
生擒其陳留王紹魯陽王倭奴桂林王道成濟陰公尹國北地王世子鍾葵安
定王世子羊兒以下文武將吏數千人器甲輜重軍資雜財十餘萬計於俘虜
之中擢其才識者賈彝賈閏晃崇等與參謀議憲章故實班賞大臣將校各有
差十有二月還幸雲中之盛樂

皇始元年春正月大蒐于定襄之虎山因東幸善無北陂三月慕容垂來寇桑
乾川陳留公元虔先鎮平城時徵兵未集虔率麾下邀擊失利死之垂遂至平
城西北踰山結營聞帝將至乃築城自守疾甚遂遁走死於上谷子寶匿喪而
還至中山乃僭立夏六月癸酉遣將軍王建等三軍討寶廣甯太守劉亢泥斬
之徙其部落寶上谷太守慕容普鄰捐郡奔走丁亥皇太后賀氏崩是月葬獻
明太后秋七月左司馬許謙上書勸進尊號帝始建天子旌旗出入警蹕於是
改元八月庚寅治兵于東郊己亥大舉討慕容寶帝親勒六軍四十餘萬南出
馬邑踰于句注旌旗駱驛二千餘里鼓行而前民屋皆震別詔將軍封真等三

軍從東道出襲幽州圍薊九月戊午次陽曲乘西山臨觀晉陽命諸將引騎圍
脇已而罷還寶并州牧遼西王農大懼將妻子棄城夜出東遁并州平初建臺
省置百官封公侯將軍刺史太守尚書郎已下悉用文人帝初拓中原留心慰
納諸士大夫詣軍門者無少長皆引入賜見存問周悉人得自盡苟有微能咸
蒙敘用己未詔輔國將軍奚牧略地晉川獲慕容寶丹陽王買得等於平陶城
冬十月乙酉車駕出井陘使冠軍將軍王建左軍將軍李粟五萬騎先驅啓行
十有一月庚子朔帝至真定自常山以東守宰或捐城奔竄或稽顙軍門唯中
山鄴信都三城不下別詔征東大將軍東平公儀五萬騎南攻鄴冠軍將軍王
建左軍將軍李粟等攻信都軍之所行不得傷民桑棗戊午進軍中山己未引
騎圍之帝謂諸將曰朕量寶不能出戰必當憑城自守偷延日月急攻則傷士
久守則費糧不如先平鄴信都然後還取中山於計爲便若移軍遠去寶必散
衆求食民間如此則人心離阻攻之易克諸將稱善丁卯車駕幸魯口城是歲
司馬昌明死于德宗僭立遣使朝貢呂光僭稱天王號大涼遣使朝貢

二年春正月己亥朔大饗羣臣於魯口慕容寶遣其左衛將軍慕容騰寇博陵殺中山太守及高陽諸縣令長抄掠租運是時信都未下庚申乃進軍壬戌引騎圍之其夜寶冀州刺史宜都王慕容鳳踰城奔走歸于中山癸亥寶輔國將軍張護軍將軍徐超率將吏已下舉城降寶聞帝幸信都乃趣博陵之深澤屯滹沱水道弟賀麟寇楊城殺常山守兵三百餘人寶悉出珍寶及宮人招募郡縣羣盜無賴者多應之二月己巳帝進幸楊城丁丑軍于鉅鹿之栢肆塢臨滹沱水其夜寶悉衆犯營燎及行宮兵人駭散帝驚起不及衣冠跣出擊鼓俄而左右及中軍將士稍稍來集帝設奇陳列烽營外縱騎衝之寶衆大敗斬首萬餘級擒其將軍高長等四千餘人戊寅寶走中山獲其器仗輜重數十萬計寶尚書閔亮秘書監崔暹太常孫沂殿中侍御史孟輔等並降降者相屬賜拜職爵各有差平原徐超聚衆反於畔城詔將軍奚尊捕斬之并州守將封真率其種族與徒何爲逆將攻刺史元延延討平之是時栢肆之役遠近流言賀蘭部帥附力眷紇突鄰部帥匿物尼紇奚部帥叱奴根聚黨反於陰館南安公元

順率軍討之不克死者數千詔安遠將軍庾岳總萬騎還討叱奴根等滅之三月己酉車駕次于盧奴寶遣使求和請送元觚割常山以西奉國乞守中山以東帝許之已而寶背約辛亥車駕次中山命諸將圍之是夜寶弟賀麟將妻子出走西山寶見賀麟走恐先據和龍壬子夜遂將其妻子及兄弟宗族數千騎北遁寶將李沈王次多張超賈歸等來降遣將軍長孫肥追之至范陽不及受還城內共立慕容普鄰爲主夏四月帝以軍糧未繼乃詔征東大將軍東平公元儀罷鄴圍徙屯鉅鹿積租楊城普鄰出步卒六千餘人伺間犯諸屯兵詔將軍長孫肥等輕騎挑之帝以虎隊五千橫截其後斬首五千生虜七百人宥而遣之夏五月庚子大賞功臣帝以中山城內爲普鄰所脇而大軍迫之欲降無路乃密招喻之甲辰曜兵揚威以示城內命諸軍罷圍南徙以待其變甲寅以東平公元儀爲驃騎大將軍都督中外諸軍事充豫雍荆徐揚六州牧左丞相封衛王襄城公元題進封爲王秋七月普鄰遣烏丸張驪率五千餘人出城求食寇常山之靈壽殺害吏民賀麟自丁零中入于驪軍因其衆復入中山殺普

鄰而自立帝還幸魯口遣將軍長孫肥一千騎襲中山入其郭而還八月丙寅朔帝自魯口進軍常山之九門時大疫人馬牛多死帝問疫於諸將對曰在者纔十四五是時中山猶拒守而饑疫並臻羣下咸思還北帝知其意因謂之曰斯固天命將若之何四海之人皆可與爲國在吾所以撫之耳何恤乎無民羣臣乃不敢復言遣撫軍大將軍略陽公元遵襲中山芟其禾粟入郭而還九月賀麟鐵窮率三萬餘人出寇新市甲子晦帝進軍討之太史令晁崇奏曰不吉帝曰其義云何對曰昔紂以甲子亡兵家忌之帝曰紂以甲子亡周武不以甲子勝乎崇無以對冬十月丙寅帝進軍新市賀麟退阻泝水依漸洳澤以自固甲戌帝臨其營戰於義臺塢大破之斬首九千餘級賀麟單馬走西山遂奔鄴慕容德殺之甲申其所署公卿尙書將吏士卒降者二萬餘人其將張驥李沈慕容文等先來降尋皆亡還是日復獲之皆赦而不問獲其所傳皇帝璽綬圖書府庫珍寶簿列數萬班賜功臣及將士各有差中山平乙酉襄城王題薨丁亥遣三萬騎赴衛王儀將以攻鄴是歲鮮卑秃髮烏孤私署大單于西平王

天興元年春正月慕容德走保滑臺儀克鄴收其倉庫詔賞將士各有差儀追德至於河不及而還庚子車駕自中山行幸常山之真定次趙郡之高邑遂幸于鄴民有老不能自存者詔郡縣賑恤之帝至鄴巡登臺樹遍覽宮城將有定都之意乃置行臺以龍驤將軍日南公和跋爲尚書與左丞賈彝率郎吏及兵五千人鎮鄴車駕自鄴還中山所過存問百姓詔大軍所經州郡復賞租一年除山東民租賦之半車駕將北還發卒萬人治直道自望都鐵關鑿恆嶺至代五百餘里帝慮還後山東有變乃置行臺於中山詔左丞相守尚書令衛王儀鎮中山撫軍大將軍略陽公元遵鎮渤海之合口右軍將軍尹國先督租于冀州聞帝將還謀反欲襲信都安南將軍長孫嵩執送斬之辛酉車駕發自中山至于望都堯山徙山東六州民吏及徒何高麗雜夷三十六萬百工伎巧十萬餘口以充京師車駕次于恆山之陽博陵渤海章武羣盜並起略陽公元遵等討平之廣川太守賀盧殺冀州刺史王輔驅勒守兵抄掠陽平頓丘諸郡遂南渡河奔慕容德二月車駕自中山幸繁時宮更選屯衛詔給內徙新民耕牛計

口受田三月離石胡帥呼延鐵西河胡帥張崇等聚黨數千人叛詔安遠將軍庾岳討平之漁陽羣盜庫儻官韜聚衆反詔中堅將軍伊謂討之徵左丞相衛王儀還京師詔略陽公遵代鎮中山夏四月壬戌進遵封常山王南安公元順進封毗陵王征虜將軍歷陽公穆崇爲太尉安南將軍鉅鹿公長孫嵩爲司徒帝祠天於西郊旗幟有加焉廣平太守遼西公元意烈謀反於郡賜死原其妻子鄜城屠各董羌杏城盧水郝奴河東蜀薛榆氏帥符興各率其種內附六月丙子詔有司議定國號羣臣曰昔周秦以前世居所生之土有國有家及王天下卽承爲號自漢以來罷侯置守時無世繼其應運而起者皆不由尺土之資今國家萬世相承啓基雲代臣等以爲若取長遠應以代爲號詔曰昔朕遠祖總御幽都控制遐國雖踐王位未定九州逮于朕躬處百代之季天下分裂諸華之主民俗雖殊撫之在德故躬率六軍掃平中土凶逆蕩除遐邇率服宜仍先號以爲魏焉布告天下咸知朕意秋七月遷都平城始營宮室建宗廟立社稷漁陽羣盜庫儻官韜復聚黨爲寇詔冠軍將軍王建討平之八月詔有司正

封畿制郊甸端徑術標道里平五權較五量定五度遣使循行郡國舉奏守宰不法者親覽察黜陟之九月烏丸張驥子超收合亡命聚黨二千餘家據勃海之南皮自號征東大將軍烏丸王抄掠諸郡詔將軍庾岳討之冬十月起天文殿十有一月辛亥詔尙書吏部郎中鄧淵典官制立爵品定律呂協音樂儀曹郎中董謐撰郊廟社稷朝覲饗宴之儀三公郎中王德定律令申科禁太史令晁崇造渾儀考天象吏部尙書崔玄伯總而裁之閏月左丞相驃騎大將軍衛王儀及諸王公卿士詣闕上書曰臣等聞宸極居中則列宿齊其曁帝王順天則羣后仰其度伏惟陛下德協二儀道隆三五仁風被於四海感化塞于大區澤及昆蟲恩霑行葦謳歌所屬八表歸心軍威所及如風靡草萬姓顙顙感恩係命而躬履謙虛退身後已宸儀未彰袞服未御非所以上尤皇天之意下副樂推之心宜光崇聖烈示軌憲於萬世臣等謹昧死以聞帝三讓乃許之十有二月己丑帝臨天文殿太尉司徒進璽綬百官咸稱萬歲大赦改年追尊成帝已下及后號謚樂用皇始之舞詔百司議定行次尙書崔玄伯等奏從土德服

色尙黃數用五未祖辰臘犧牲用白五郊立氣宣贊時令敬授民時行夏之正徙六州二十二郡守宰豪傑吏民二千家于代都是歲蘭汗殺慕容寶而自立寶子咸殺汗僭立慕容德自稱燕王

二年春正月甲子初祠上帝于南郊以始祖神元皇帝配降壇視燎成禮而反乙丑曲赦京師始制三駕之法庚午車駕北巡分命諸將大襲高車大將軍常山王遵等三軍從東道出長川鎮北將軍高涼王樂真等七軍從西道出牛川車駕親勒六軍從中道自駁鞞水西北二月丁亥朔諸軍同會破高車雜種三十餘部獲七萬餘口馬三十餘萬匹牛羊百四十餘萬驃騎大將軍衛王儀督三萬騎別從西北絕漠千餘里破其遺迸七部獲二萬餘口馬五萬餘匹牛羊二十餘萬頭高車二十餘萬乘并服玩諸物還次牛山及薄山並刻石記功班賜從臣各有差庚戌征虜將軍庾岳破張超於勃海超走平原爲其黨所殺以所獲高車聚起鹿苑於南臺陰北距長城東包白登屬之西山廣輪數十里鑿渠引武川水注之苑中疏爲三溝分流宮城內外又穿鴈鴈池三月己未車駕

至自北伐甲子初令五經羣書各置博士增國子太學生員三千人是月氐人李辯叛慕容德求援於鄴行臺尙書和跋跋輕騎往應之克猾臺收德宮人府藏又破德桂林王鎮及郎吏將士千餘人丙子遣建義將軍庾真越騎校尉奚斤討庫狄部帥葉亦于宥連部帥寶羽泥於太澤川破之庫狄懃支子沓亦于率其部落內附真等進破侯莫陳部獲馬牛羊十餘萬頭追殄遺迸入大岷谷中山太守仇儒亡匿趙郡推羣盜趙准爲主號使持節征西大將軍冀青二州牧鉅鹿公仇儒爲准長史聚黨扇惑詔中領軍長孫肥討平之夏四月前清河太守傅世聚黨千餘家自號撫軍將軍五月癸亥征虜將軍庾岳討破之秋七月起天華殿辛酉大閱于鹿苑饗賜各有差陳郡河南流民萬餘口內徙遣使者存勞之姚興遣衆圍洛陽司馬德宗將辛恭靖請救八月遣太尉穆崇率騎六千往赴之增啓京師十二門作西武庫除州郡民租賦之半辛亥詔禮官備撰衆儀著于新令范陽人盧溥聚衆海濱稱使持節征北大將軍幽州刺史攻掠郡縣殺幽州刺史封沓于慕容盛遼西太守李昫舉郡內屬西河胡帥護諾

于丁零帥翟同蜀帥韓勳並相率內附冬十月太廟成遷神元平文昭成獻明
皇帝神生于太廟十有二月甲午慕容威征虜將軍燕郡太守高湖率戶三千
內屬辛亥詔材官將軍和突討盧溥天華殿成是歲呂光立其子紹爲天王自
稱太上皇光死庶子纂殺紹僭立禿髮烏孤死弟鹿孤代立遣使朝貢

三年春正月戊午和突破盧溥於遼西生獲溥及其子煥傳送京師轍之癸亥
有事於北郊分命諸官循行州郡觀民俗察舉不法賜羣臣布帛各有差二
月丁亥詔有司祀日于東郊始耕籍田壬寅皇子聰薨三月戊午立皇后慕容
氏是月穿城南渠通於城內作東西魚池夏四月姚興遣使朝貢五月戊辰詔
謁者僕射張濟使於姚興己巳車駕東巡遂幸涿鹿遣使者以太牢祠帝堯帝
舜廟西幸馬邑觀滙源秋七月壬子車駕還宮起中天殿及雲母堂金華室十
有一月高車別帥勅力健率九百餘落內屬十有二月乙未詔曰世俗謂漢高
起於布衣而有天下此未達其故也夫劉承堯統曠世繼德有蛇龍之徵致雲
彩之應五緯上聚天人俱協明革命之主大運所鍾不可以非望求也然狂狡

之徒所以顛蹶而巳者誠惑於逐鹿之說而迷於天命也故有踵覆車之軌
蹈覆逆之蹤毒甚者傾州郡害微者敗邑里至乃身死名頹殃及九族從亂隨
流死而不悔豈不痛哉春秋之義大一統之美吳楚僭號久加誅絕君子賤其
僞名比之塵垢自非繼聖載德天人合會帝王之業夫豈虛應歷觀古今不義
而求非望者徒喪其保家之道而伏刀鋸之誅有國有家者誠能推廢與之有
期審天命之不易察徵應之潛授杜競逐之邪言絕姦雄之僭肆思多福於止
足則幾於神智矣如此則可以保榮祿於天年流餘慶於後世夫然故禍悖無
緣而生兵甲何因而起凡厥來世勗哉戒之可不慎歟時太史屢奏天文錯亂
帝親覽經占多云改王易政故數革官號一欲防塞凶狡二欲消災應變已而
慮羣下疑惑心謗腹非丙申復詔曰上古之治尙德下各有任而無爵易治而
事序故邪謀息而不起姦慝絕而不作周姬之末下凌上替以號自定以位制
祿卿世其官大夫遂事陽德不暢議發家倍故釁由此起兵由此作秦漢之弊
捨德崇侈能否混雜賢愚相亂庶官失序任非其人於是忠義之道寢廉恥之

節廢退讓之風絕毀譽之議興莫不由乎貴尚各位而禍敗及之矣古置三公
職大憂重故曰待罪宰相將委任責成非虛寵祿也而今世俗僉以台輔爲榮
貴企慕而求之夫此職司在人主之所任耳用之則重捨之則輕然則官無常
名而任有定分是則所貴者至矣何取於鼎司之虛稱也夫桀紂之南面雖高
而可薄姬旦之爲下雖卑而可尊一官可以效智華門可以垂範苟以道德爲
實賢於覆餗鄙家矣故量己者令終而義全昧利者身陷而名滅利之與名毀
譽之疵競道之與德神識之家寶是故道義治之本名爵治之末名不本於道
不可以爲宜爵無補於時不可以爲用用而不禁爲病深矣能通其變不失其
正者其惟聖人乎來者誠思成敗之理察治亂之由鑒殷周之失革秦漢之弊
則幾於治矣是歲乞伏乾歸爲姚興所破李暹私署涼州牧涼公

四年春正月高車剌帥率其部三十餘落內附二月丁亥命樂師入學習舞釋
菜于先聖先師丁酉分命使者循行州郡聽察辭訟糾劾不法三月帝親漁薦
于寢廟夏四月辛卯罷鄴行臺詔有司明揚隱逸五月起紫極殿玄武樓涼風

觀石池鹿苑臺秋七月詔鎮遠將軍兗州刺史長孫肥步騎二萬南徇許昌彭城詔賜天下鎮戍將士布帛各有差冬十二月辛亥詔征西大將軍常山王遵等率衆五萬討破多蘭部帥木易于材官將軍和突率騎六千襲黜弗素古延等諸部集博士儒生比衆經文字義類相從凡四萬餘字號曰衆文經是歲慕容盛死寶弟熙僭立呂光弟子隆殺篡自立盧水胡沮渠蒙遜私署涼州牧張掖公蒙遜及李暠並遣使朝貢

五年春正月丁丑慕容熙遣將寇遠西虎威將軍宿沓干等拒戰不利棄令支而還帝聞姚興將寇邊庚寅大簡輿徒詔并州諸軍積穀于平陽之乾壁戊子材官將軍和突破黜弗素古延等諸部獲馬三千餘匹牛羊七萬餘頭辛卯蠕蠕社崙遣騎救素古延等和突逆擊破之于山南河曲獲鎧馬二千餘匹班師賞賜將士各有差二月癸丑征西大將軍常山王遵等至安定之高平木易于率數千騎與衛辰屈丐棄國遁走追至隴西瓦亭不及而還獲其輜重庫藏馬四萬餘匹駱馳羣牛三千餘頭牛羊九萬餘口班賜將士各有差徙其民於京

師沙門張翹自號無上王與丁零鮮于次保聚黨常山之行唐夏四月太守樓
伏連討斬之五月姚興遣其弟安北將軍義陽公平率衆四萬來侵平陽乾壁
爲平所陷六月治兵于東郊部分衆軍詔鎮西大將軍毗陵王順長孫肥等三
將六萬騎爲前鋒秋七月戊辰朔車駕西討八月乙巳至於柴壁平固守進軍
圍之姚興悉舉其衆來救甲子帝渡蒙坑逆擊興軍大破之冬十月平赴水而
死俘其餘衆三萬餘人語在興傳興征虜將軍尙書右僕射狄伯支越騎校
尉唐小方積弩將軍姚梁國建忠將軍雷星康官北中郎將康猥平從弟伯禽
已下四品將軍已上四十餘人獲先亡臣王次多斬勲並斬以徇興頻使請和
帝不許羣臣勸進平蒲坂帝慮蠕蠕爲難戊申班師十有一月車駕次晉陽徵
相州刺史庾岳爲司空遣左將軍莫題討上黨羣盜秦頰丁零翟都於壺關丁
丑上黨太守捕頰斬之都走林慮十有二月辛亥至自西征蠕蠕社崙犯塞詔
常山王遵追之不及而還越勳莫弗率其部萬餘家內屬居五原之北是歲禿

髮鹿孤病死第儉禮統任遣使朝貢

六年春正月辛未朔方尉遲部別帥率萬餘家內屬入居雲中夏五月大簡與
徒將略江淮平荆揚之亂秋七月鎮西大將軍司隸校尉毗陵王順有罪以王
還第戊子車駕北巡築離宮于豺山縱士校獵東北踰蜀嶺出參合代谷九月
行幸南平城規度澤南面夏屋山背黃瓜堆將建新邑辛未車駕還宮冬十月
起西昭陽殿乙卯立皇子嗣爲齊王加車騎大將軍位相國紹爲清河王加征
南大將軍熙爲陽平王曜爲河南王封故秦愍王子夔爲豫章王陳留王子右
將軍悅爲朱提王丁巳詔將軍伊謂率騎二萬北襲高車司馬德宗遣使朝貢
十有一月庚午伊謂大破高車是年烏夷桓玄廢其主司馬德宗而自立僭稱
大楚

天賜元年春正月遣離石護軍劉託率騎三千襲蒲子三月丙寅擒姚興寧北
將軍秦平太守衡譚獲三千餘口初限縣戶不滿百罷之夏四月詔尙書郎中
公孫表使於江南以觀桓玄之釁也值玄敗而還蠕蠕社崙從弟悅伐大那等
謀殺社崙而立大那發覺來奔五月置山東諸冶發州郡徒謫造兵甲秋九月

帝臨昭陽殿分置衆職引朝臣文武親自簡擇量能敘用制爵四等曰王公侯
子除伯男之號追錄舊臣加以封爵各有差是秋江南大亂流民襁負而奔淮
北行道相尋冬十月辛巳大赦改元築西宮十有一月上幸西宮大選朝臣令
各辨宗黨保舉才行諸部子孫失業賜爵者二千餘人十有二月戊辰車駕幸
材山宮是歲島夷劉裕起兵誅桓玄

二年春二月癸亥車駕還宮夏四月車駕有事于西郊車旗盡黑是歲司馬德
宗復僭立慕容德死兄子超僭立

三年春正月甲申車駕北巡幸材山宮校獵至屋孤山二月乙亥幸代園山建
五石亭三月庚子車駕還宮夏四月庚申復幸材山宮占授著作郎王宜弟造
兵法孤虛立成圖三百六十時遂登定襄角史山又幸馬城甲戌車駕還宮是
月蠕蠕寇邊夜召兵將旦賊走乃罷六月發八部五百里內男丁築灑南宮門
闕高十餘丈引溝穿池廣苑圍規立外城方二十里分置市里經塗洞達三十
日罷秋七月太尉穆崇薨八月甲辰行幸材山宮遂至青牛山丙辰西登武要

北原觀九十九泉造石亭遂之石漠九月甲戌朔幸漠南鹽池壬午至漠中觀天鹽池度漠北之吐鹽池癸巳南還長川丙申臨觀長陂冬十月庚申車駕還宮

四年春二月封皇子脩爲河間王處文爲長樂王連爲廣平王黎爲京兆王夏五月北巡自參合陂東過蟠羊山大雨暴水流輜重數百乘殺百餘人遂東北踰石漠至長川幸濡源常山王遵有罪賜死秋七月車駕自濡源西幸參合陂築北宮垣三旬而罷乃還宮八月幸材山宮是月誅司空庾岳冬十有一月車駕還宮是歲慕容寶養子高雲殺熙自立赫連屈丐自稱大單于大夏天王貢是歲皇孫燾生

六年夏帝不豫初帝服寒食散自太醫令陰羌死後藥數動發至此逾甚而災變屢見憂懣不安或數日不食或不寢達旦歸咎羣下喜怒乖常謂百寮左右人不可信慮如天文之占或有肘腋之虞追思既往成敗得失終日竟夜獨語

不止若傍有鬼物對揚者朝臣至前追其舊惡皆見殺害其餘或以顏色變動或以喘息不調或以行步乖節或以言辭失措帝皆以爲懷惡在心變見於外乃手自毆擊死者皆陳天安殿前於是朝野人情各懷危懼有司懈怠莫相督攝百工偷劫盜賊公行巷里之間人爲希少帝亦聞之曰朕縱之使然待過災年當更清治之爾秋七月慕容支屬百餘家謀欲外奔發覺伏誅死者三百餘人八月衛王儀謀叛賜死冬十月戊辰帝崩於天安殿時年三十九永興二年九月甲寅上諡宣武皇帝葬於盛樂金陵廟號太祖泰常五年改諡曰道武史臣曰晉氏崩離戎羯乘釁僭偽紛紜豺狼競馳太祖顯晦安危之中屈申潛躍之際驅率遺黎奮其靈武克剪方難遂啓中原朝拱人神顯登皇極雖冠履不暇栖遑外土而制作經謨咸存長世所謂大人利見百姓與能抑不世之神武也而屯厄有期禍生非慮將人事不足豈天實爲之嗚呼

魏書卷二考證

太祖紀帝左右于植等與諸部人謀爲逆以應之事泄○植北史作桓本書列傳同穆崇傳亦作于植

遣秦王觚使于慕容垂○綱目書于晉太元十六年是爲魏登國六年此書作五年

魏書卷二考證

卷之二

正

此卷之序... ○... 大元十六年... ○... 欽此

大元十六年... ○... 欽此

魏書卷三

齊

魏

收

撰

帝紀第三

太宗紀

太宗明元皇帝諱嗣太祖長子也母曰劉貴人登國七年生於雲中宮太祖晚有子聞而大悅乃大赦天下帝明敏寬毅非禮不動太祖甚奇之天興六年封齊王拜相國加車騎大將軍初帝母劉貴人賜死太祖告帝曰昔漢武帝將立其子而殺其母不令婦人後與國政使外家爲亂汝當繼統故吾遠同漢武爲長久之計帝素純孝哀泣不能自勝太祖怒之帝還宮哀不自止日夜號泣太祖知而又召之帝欲入左右曰孝子事父小杖則受大杖避之今陛下怒感入或不測陷帝於不義不如且出待怒解而進不晚也帝懼從之乃遊行逃於外天賜六年冬十月清河王紹作逆太祖崩帝入誅紹壬申卽皇帝位大赦改年爲永興元年追尊皇妣爲宣穆皇后公卿大臣先罷歸第不與朝政者悉復登

用之詔南平公長孫嵩北新侯安同對理民訟簡賢任能彝倫攸敘閏十月丁亥朱提王悅謀反賜死詔都兵將軍山陽侯奚斤巡行諸州問民疾苦撫恤窮乏十有二月戊戌封衛王儀子良爲南陽王陰平公元烈進爵爲王高涼王樂真改封平陽王己亥帝始居西宮御天文殿蠕蠕犯塞是歲乞伏乾歸據金城自稱秦王高雲爲海夷馮跋所滅跋僭號自稱大燕天王

二年春正月甲寅朔詔南平公長孫嵩等北伐蠕蠕平陽民黃苗等依汾自固受姚興官號并州刺史元六頭討平之二月癸未朔詔將軍于栗磾領步騎一萬鎮平陽夏五月長孫嵩等自大漠還蠕蠕追圍之於牛川壬申帝北伐蠕蠕聞而遁走車駕還幸參合陂秋七月丁巳立馬射臺於陂西仍講武教戰乙丑車駕至自北伐八月章武民劉牙聚衆反山陽侯奚斤討平之九月甲寅葬太祖宣武皇帝於盛樂金陵冬十有二月辛巳詔將軍周觀率衆詣西河離石鎮撫山胡是歲司馬德宗將劉裕滅慕容超於廣固

三年春二月戊戌詔曰衣食足知榮辱夫人饑寒切己唯恐朝夕不濟所急者

溫飽而已何暇及於仁義之事乎王教之多違蓋由於此也非夫耕婦織內外相成何以家給人足矣其簡宮人非所當御及執作伎巧自餘悉出以配饑民己亥詔北新侯安同等持節循行并定二州及諸山居雜胡丁零問其疾苦察舉守宰不法其寃窮失職彊弱相陵孤寒不能自存者各以事聞昌黎遼東民二千餘家內屬三月己未詔侍臣常帶劍夏四月戊寅河東蜀民黃恩郭綜等率營部七百餘家內屬五月丁卯車駕謁金陵於盛樂己巳昌黎王慕容伯兒謀反伏誅六月姚興遣使來聘西河胡張賢等率營部內附秋七月戊申賜衛士醕三日布帛各有差辛酉賜附國大人錦罽衣服各有差八月戊寅詔將軍東州侯尉古真統兵五千鎮西境太洛城冬十二月甲戌蠕蠕斛律宗黨吐觝于等百餘人內屬甲午詔南平公長孫嵩任城公嵇拔白馬侯崔玄伯等坐朝堂錄決囚徒務在平當

四年春二月癸未登虎圈射虎賜南平公長孫嵩等布帛各有差夏四月乙未宴羣臣於西宮使各獻直言秋七月己巳朔東巡置四廂大將又放十二時置

十二小將以山陽侯奚斤元城侯元屈行左右丞相己卯大獮于石會山戊子臨去畿陂觀漁庚寅至于濡源西巡幸北部諸落賜以繒帛八月庚戌車駕還宮壬子幸西宮臨板殿大饗羣臣將吏以田獵所獲賜之命民大酺三日乙卯賜王公以下至宿衛將士布帛各有差冬十有一月乙丑賜宗室近屬南陽王良已下至於總麻之親布帛各有差十有二月丁巳車駕北巡至長城而還是年乞伏乾歸爲兄子公府所殺子熾磬立沮渠蒙遜自稱河西王

五年春正月己巳大閱畿內男子十二以上悉集己卯幸西宮類拔大渠帥四十餘人詣闕奉貢賜以繒帛錦黝各有差乙酉詔諸州六十戶出戎馬一匹庚寅大閱於東郊部署將帥以山陽侯奚斤爲前軍衆三萬陽平王熙等十二將各一萬騎帝臨白登躬自校覽焉二月戊申賜陽平王熙及諸王公侯將士布帛各有差庚戌幸高柳川甲寅車駕還宮癸丑穿魚池於北苑庚午姚興遣使來聘詔分遣使者巡求儻逸其豪門彊族爲州閭所推者及有文武才幹臨疑能決或有先賢世胄德行清美學優義博可爲人師者各令詣京師當隨才敘

用以贊庶政夏四月河東民薛相率部內屬乙巳上黨民勞聰士臻羣聚爲盜殺太守令長相率外奔乙卯車駕西巡詔前軍奚斤等先行討越勤部於跋那山夏五月乙亥行幸雲中舊宮之大室丙子大赦天下西河張外建興王紹自以所犯罪重不敢解散庚戌遣元城侯元屈等率衆三千鎮并州乙卯詔會稽公劉潔永安侯魏勤等率衆二千鎮西河六月西幸五原校獵于骨羅山獲獸十萬漢澤劉逸自號征東將軍三巴王王紹爲署置官屬攻逼建興郡元屈等討平之秋七月己巳還幸薄山帝登觀太祖遊幸刻石頌德之處乃於其旁起石壇而薦饗焉賜從者大酺於山下奚斤等破越勤倍泥部落於跋那山西獲馬五萬匹牛二十萬頭徙二萬餘家於大寧計口受田河西胡曹龍張大頭等各領部擁衆二萬人來入蒲子逼脇張外於研子壘外懼給以牛酒殺馬盟誓推龍爲大單于奉美女良馬於龍丙戌車駕自大室西南巡諸部落賜其渠帥繒帛各有差遂南次定襄大落城東踰七嶺山田於善無川八月癸卯車駕還宮癸丑奚斤等班師甲寅帝臨白登觀降民數軍實曹龍降執送張外斬之辛

未賜征還將士牛馬奴婢各有差置新民於大寧川給農器計口受田丁丑幸
材山宮癸未車駕還宮冬十月丁巳將軍元屈會稽公劉潔永安侯魏勤等擊
吐京叛胡失利潔被傷勤死之十一月癸酉大饗于西宮姚興遣使朝貢來請
進女帝許之

神瑞元年春正月辛酉以禎瑞頻集大赦改元辛巳幸繁時賜王公已下至於
士卒百工布帛各有差二月戊戌車駕還宮是月赫連屈子入寇河東蒲子殺
掠吏民三城護軍張昌等要擊走之庚戌幸材山宮西河胡曹成吐京民劉初
原攻殺屈子所置吐京護軍及其守三百餘人乙卯起豐宮於平城東北夏五
月辛酉車駕還宮六月司馬德宗冠軍將軍太山太守劉研弟輔國將軍領東
平太守陽平趙鸞廣威將軍平昌太守羅卓斗城屠各帥張文興等率流民七
千餘家內屬河西胡會劉遮劉退孤率部落等萬餘家渡河內屬戊申幸材山
宮丁亥車駕還宮秋八月戊子詔馬邑侯元陋孫使於姚興辛丑遣謁者悅力
延撫慰蠕蠕于什門招諭馮跋詔平南將軍相州刺史尉古真與司馬德宗太

尉劉裕相聞使博士王諒假平南參軍將命焉姚興遣使來聘冬十一月壬午詔使者巡行諸州校閱守宰資財非自家所齎悉簿爲賊詔守宰不如法聽民詣闕告言之十二月丙戌朔蠕蠕犯塞丙申帝北伐蠕蠕河內人司馬順宰自號晉王太守討捕不獲是歲禿髮僭禮爲乞伏熾磐所滅

二年春正月丙辰車駕至自北伐賜從征將士布帛各有差二月丁亥大饗于西宮賜附國大渠帥朝歲首者繒帛金蜀各有差司馬德宗琅邪太守劉朗率二千餘家內屬庚子河西胡劉雲等率數萬戶內附甲辰立太祖廟於白登之西三月詔曰刺史守宰率多逋慢前後怠惰數加督罰猶不悛改今年賞調懸遠者謫出家財充之不聽徵發於民河西饑胡屯聚上黨推白亞栗斯爲盟主號大將軍反於上黨自號單于稱建平元年以司馬順宰爲之謀主夏四月詔將軍公孫表等五將討之河南流民二千餘家內屬衆廢粟斯而立劉虎號率善王司馬德宗遣使朝貢己卯車駕北巡五月丁亥次於參合東幸大寧丁未田于四岬山六月戊午幸去畿陂觀漁辛酉次于濡源築立蟀臺射白熊於頽

牛山獲之丁卯幸赤城親見長老問民疾苦復租一年南次石亭幸上谷問百年訪賢俊復田租之半壬申幸涿鹿登橋山觀溫泉使使者以太牢祠黃帝廟至廣甯登歷山祭舜廟秋七月還宮復所過田租之半九月闕有差河南流民前後三千餘家內屬京師民饑聽出山東就食冬十月壬子姚興使散騎常侍東武侯姚敞尙書姚泰送其西平公主來帝以后禮納之辛酉行幸沮洳城癸亥車駕還宮丙寅詔曰古人有言百姓足則君有餘未有民富而國貧者也頃者以來頻遇霜旱年穀不登百姓饑寒不能自存者甚衆其出布帛倉穀以賑貧窮十有一月丁亥幸材山宮庚子車駕還宮

泰常元年春正月甲申行幸材山宮戊子車駕還宮三月己丑長樂王處文薨常山民霍季自言名載圖識持一黑石以爲天賜玉印誑惑聚黨入山爲盜州郡捕斬之夏四月壬子大赦改元庚申河間王脩薨六月丁巳車駕北巡秋七月甲申帝自白鹿陂西行大獮于牛川登釜山臨殷繁水而南觀于九十九泉戊戌車駕還宮九月戊午前并州刺史叔孫建等大破山胡劉虎渡河東走至

陳留爲從人所殺司馬順宰等皆死司馬德宗相劉裕沂河伐姚泓遣其部將王仲德爲前鋒從陸道至梁城兗州刺史尉建長懦棄州北渡王仲德遂入滑臺詔將軍叔孫建等渡河曜威滑臺斬尉建於城下冬十月壬戌幸材山宮徒何部落庫儂官斌先降後復叛歸馮跋驍騎將軍延普渡濡水討擊大破之斬斌及馮跋幽州刺史漁陽公庫儂官昌征北將軍關內侯庫儂官提等首生擒庫儂官女生縛送京師幽州平十一月甲戌車駕還宮築蓬臺於北苑十二月南陽王夏薨是歲姚興卒子泓立

二年春二月丙午詔曰九州之民隔遠京邑時有壅滯守宰至不以聞今東作方興或有貧窮失農務者其遣使者巡行天下省諸州觀民風俗問民疾苦察守宰治行諸有不能自申皆因以聞辛酉司馬德宗滎陽守將傅洪遣使詣叔孫建請以虎牢降求軍赴接德宗譙王司馬文思遣使王良詣闕上書請軍討劉裕詔司徒長孫嵩率諸軍邀擊劉裕戰於畔城更有負捷帝詔止諸軍不克夏四月丁未榆山丁零翟蜀率營部遣使通劉裕馮跋使人王特兒等通於司

馬德宗章武太守捕特兒等囚送京師丁巳幸高柳壬戌車駕還宮五月汝南
 民胡譁等萬餘家相率內屬乙未司馬德宗齊郡太守王懿來降車駕西巡至
 于雲中遂濟河田于大漠秋七月作白臺於城南高二十丈司馬順之入常山
 流言惑眾稱受天帝命年二十五應為人君遂聚黨於封龍山趙郡大盜趙德
 執送京師斬之八月劉裕滅姚泓九月癸酉司馬德宗平西將軍荊州刺史司
 馬休之息謙王文思章武王子司馬國璠司馬道賜輔國將軍温楷竟陵內史
 魯軌荊州治中韓延之殷約平西參軍桓謐桓璉及桓温孫道子渤海刁雍陳
 郡袁式等數百人來降姚泓匈奴鎮將姚成都與弟和都舉鎮來降冬十月己
 酉詔司徒長孫嵩等還京師遣叔孫建鎮鄴癸丑豫章王夔薨十有一月司徒
 長孫嵩等諸軍至樂平詔嵩遣娥清周幾等與叔孫建討西山丁零翟蜀洛支
 等悉滅餘黨而還復諸州租稅十有二月己酉詔河東河內有姚泓子弟播越
 民間能有送致京師者賞之庚申田于西山癸亥車駕還宮氏豪徐駿奴齊元
 子等擁部落三萬於雍遣使內附詔將軍王洛生及河內太守楊聲等西行以

應之壬申幸大寧長川姚泓尙書東武侯姚敞敞帛鎮遠將軍僧光右將軍姚定世自洛來奔是年李嵩卒子歆立遣使朝貢

三年春正月丁酉朔帝自長川詔護高車中郎將薛繁率高車丁零十二部大人衆北略至弱水降者二千餘人獲牛馬二萬餘頭河東胡蜀五千餘家相率內屬三月司馬德宗遣使來貢庚戌幸西宮以范陽去年水復其租稅夏四月己巳徙冀定幽三州徙何於京師五月丙午詔叔孫建鎮廣阿壬子車駕東巡至于濡源及甘松遣征東將軍長孫道生給事黃門侍郎奚觀率精騎二萬襲馮跋又命驍騎將軍延普自幽州北趨遼西爲聲勢帝自突門嶺待之道生至龍城徙其民萬餘家而還六月乙酉車駕西返秋七月戊午至於京師八月鴈門河內大雨水復其租稅九月甲寅詔諸州調民租戶五十石積於定相冀三州冬十月戊辰築宮於西苑是歲司馬德宗卒弟德文僭立赫連屈丐僭稱皇帝

四年正月壬辰朔車駕臨河大蒐于犢渚癸卯車駕還宮三月癸丑築宮於蓬

臺北司馬德文寧朔將軍平陽太守匈奴護軍薛辯及司馬楚之司馬順明司馬道恭並遣使請降夏四月庚辰車駕有事於東廟遠藩助祭者數百國辛巳南巡幸鴈門賜所過無出今年租賦五月庚寅朔觀漁于澧水己亥車駕還宮復所過一年租賦六月司馬德文建威將軍河西太守馮翊羌曾覺道子遣使內屬秋八月辛未東巡遣使祭恆岳甲申車駕還宮所過復一年田租九月築宮於白登山冬十有二月癸亥西巡至雲中踰白道北獵野馬於尋孤山至于黃河從君子津西渡大狩於薛林山

五年春正月丙戌朔自薛林東還至于屋竇城饗勞將士大酺二日班禽獸以賜之己亥車駕還宮三月丙戌南陽王意文薨夏四月河西屠各帥黃大虎羌酋不蒙娥等遣使內附丙寅起灑南宮五月乙酉詔曰宣武皇帝體道得一天縱自然大行大名未盡美非所以光揚洪烈垂之無窮也今因啓緯圖始觀尊號天人之意煥然著明其改宣曰道更上尊諡曰道武皇帝以彰靈命之先啓聖德之玄同告祀郊廟宣于八表庚戌淮南侯司馬國璿池陽侯司馬道賜等

謀反伏誅六月丙寅行幸驛犢山秋七月丁酉西至于五原丁未幸雲中大室
賜從者大酺八月癸亥車駕還宮閏月甲午陰平王烈薨冬十有一月詔驍騎
將軍延普城乾城十有二月丁亥杏城羌酋狄溫子率三千餘家內附是歲劉
裕廢殺其主司馬德文僭自稱皇帝號宋李歆爲沮渠蒙遜所滅歆弟恂自立
於敦煌

六年春正月辛未行幸公陽二月調民二十戶輸戎馬一匹大牛一頭三月甲
子陽平王熙薨乙亥制六部民羊滿百口輸戎馬一匹發京師六千人築苑起
自舊苑東包白登周回四十餘里夏六月乙酉北巡至蟠羊山秋七月西巡獵
于祚山親射虎獲之遂至于河八月庚子大獵于犢渚九月庚戌車駕還宮壬
申劉裕遣使朝貢冬十月己亥行幸代十有二月丙申西巡狩至于雲中是歲
沮渠蒙遜滅李恂

七年春正月甲辰朔自雲中西行幸屋寶城賜從者大酺三日蕃渠帥繒帛各
有差二月丙戌車駕還宮賜從者布帛各有差大饗于西宮三月乙丑河南王

曜薨夏四月甲戌封皇子燾爲泰平王燾字佛釐拜相國加大將軍丕爲樂平王加車騎大將軍彌爲安定王加衛大將軍範爲樂安王加中軍大將軍健爲永昌王加撫軍大將軍崇爲建寧王加輔國大將軍俊爲新興王加鎮軍大將軍獻懷長公主子嵇敬封長樂王拜大司馬大將軍初帝素服寒食散頻年動發不堪萬機五月詔皇太子臨朝聽政是月泰平王攝政劉裕卒子義符僭立秋九月詔假司空奚斤節都督前鋒諸軍事爲晉兵大將軍行揚州刺史交趾侯周幾爲宋兵將軍交州刺史安固子公孫表爲吳兵將軍廣州刺史前鋒伐劉義符乙巳幸邊南宮遂如廣寧己酉詔泰平王率百國以法駕田于東苑車乘服物皆以乘輿之副辛亥築平城外郭周回三十二里辛酉幸橋山遣使者祠黃帝唐堯廟因東幸幽州見耆年問其所苦賜爵號分遣使者循行州郡觀察風俗冬十月甲戌車駕還宮復所過田租之半奚斤伐滑臺不克帝怒議親南討爲其聲援壬辰車駕南巡出自天門關踰恆嶺四方蕃附大人各率所部從者五萬餘人十有一月泰平王親統六軍出鎮塞上安定王彌與北新公安

同居守丙午曲赦司州殊死已下劉義符東郡太守王景度棄滑臺走詔成臯侯元苟兒爲兗州刺史鎮滑臺十有二月遣壽光侯叔孫建等率衆自平原東渡徇下青兗諸郡劉義符兗州刺史徐琰聞渡河棄守走叔孫建遂東入青州司馬愛之秀之先聚黨濟東皆率衆來降

八年正月丙辰行幸鄴存恤民俗司空奚斤既平兗豫還圍虎牢劉義符守將毛德祖距守不下河東蜀薛定薛輔率五千餘家內屬蠕蠕犯塞二月戊辰築長城於長川之南起自赤城西至五原延袤二千餘里備置戍衛三月乙巳帝田於鄴南韓陵山幸汲郡至于枋頭乙卯濟自靈昌津幸陳留東郡乙丑濟河而北西之河內造浮橋於冶坂津夏四月丁卯幸成臯城觀虎牢而城內乏水懸綆汲河帝令連艦上施轆轤絕其汲路又穿地道以奪其井遂至洛陽觀石經蠻王梅安率渠帥數千人來貢方物閏月己未還幸河內北登太行幸高都虎牢潰獲劉義符冠軍將軍司州刺史觀陽伯毛德祖冠軍司馬滎陽太守翟廣建威將軍竇霸振武將軍姚勇錯振威將軍吳寶之司州別駕姜元興治中

寶溫士衆大疫死者十二三辛酉帝還至晉陽班賜從官王公已下逮於廝賤無不霑給五月丙寅還次鴈門皇太子率留臺王公迎于句注之北庚寅車駕至自北巡六月己亥太尉宜都公穆觀薨丙辰北巡至於參合陂遊于蟠羊山秋七月幸三會屋侯泉詔皇太子率百官以從八月幸馬邑觀于灤源九月乙亥車駕還宮詔司空奚斤還京師昌平侯娥清交趾侯周幾等鎮枋頭劉義符潁川太守李元德竊入許昌詔周幾擊之元德遁闕三字許昌還軍枋頭冬十月癸卯廣西宮起外垣牆周回二十里十有一月己巳帝崩於西宮時年三十二遺詔以司空奚斤所獲軍寶賜大臣自司徒長孫嵩已下至士卒各有差十有二月庚子上諡曰明元皇帝葬于雲中金陵廟稱太宗帝禮愛儒生好覽史傳以劉向所撰新序說苑於經典正義多有所闕乃撰新集三十篇採諸經史該洽古義兼資文武焉

史臣曰太祖英雄北驅朔漠末年內多釁隙明元抱純孝之心逢彘鏡之禍權以濟事危而獲安隆基固本內和外輯以德見宗良無愧也

魏書卷三

魏

書

卷三

帝紀

九
中華書局聚

1
穀書卷三

魏書卷三考證

帝紀第三○魏收書此紀闕後人補以北史又取高氏小史修文殿御覽附益之

太宗紀司馬休之息謙王文思章武王子司馬國璠司馬道賜輔國將軍溫楷
竟陵內史魯執荊州治中韓延之殷約平西參軍桓謚桓璉及桓溫孫道子
渤海刁雍陳郡袁式等數百人來降○臣人龍按晉書宗室傳安帝反正追
贈尚之衛將軍以休之長子文思爲嗣襲封謙郡王後文思怨望釋兵爲裕
所敗而死不言降魏與此異

魏書卷三考證

漁溪而深不吉則難用也

顯倫之書甚厚以升之長子女思松隨建使伯王餘十思松至爾其後
繼而下奉製時文及善幾百人來朝○召人館 其書書宗家朝安帝及五

更期內與善結陳世中韓文輝內平西海軍助論財發文益里海軍于
太宗時而與於之思諸王文思重而王千同無國徽同無重其神國保軍

六

帝法三○顯妙香共臨爾人爾與非女又取高天小史趙文舉論聖朝

魏書卷四上

魏

收

撰

帝紀第四

世祖紀上

世祖太武皇帝諱肅太宗明元皇帝之長子也母曰杜貴嬪天賜五年生於東宮體貌瓌異太祖奇而悅之曰成吾業者必此子也泰常七年四月封泰平王五月爲監國太宗有疾命帝總攝百揆聰明大度意豁如也八年十月壬申卽皇帝位大赦天下十有二月追尊皇妣爲密皇太后進司徒長孫嵩爵爲北平王司空奚斤爲宣城王藍田公長孫翰爲平陽王其餘普增爵位各有差於是除禁錮釋嫌怨開倉庫賑窮乏河南流民相率內屬者甚衆

始光元年春正月丙寅安定王彌薨夏四月甲辰東巡幸大寧秋七月車駕還宮八月蠕蠕率六萬騎入雲中殺掠吏民攻陷盛樂宮赭陽子尉普文率輕騎討之虜乃退走詔平陽王長孫翰等擊蠕蠕別帥破之殺數千人獲馬萬餘匹

語在蠕蠕傳九月大劬輿徒治兵於東郊部分諸軍五萬騎將北討冬十有二月遣平陽王長孫翰等討蠕蠕車駕次祚山蠕蠕北遁諸軍追之大獲而還是年劉義符爲其臣徐羨之等所廢殺立義符弟義隆

五年大寧婦子民生

二年春正月己卯車駕至自北伐以其雜畜班賜將士各有差二月慕容渴悉隣反於北平攻破郡治太守與守將擊敗之三月丙辰尊保母竇氏曰保太后丁巳以北平王長孫蒿爲太尉平陽王長孫翰爲司徒宜城王奚斤爲司空庚申營故東宮爲萬壽宮起永安安樂二殿臨望觀九華堂初造新字千餘詔曰昔在帝軒剏造物乃命倉頡因爲獸之跡以立文字自茲以降隨時改作故篆隸草楷並行於世然經歷久遠傳習多失其真故令文體錯謬會義不愜非所以示軌則於來世也孔子曰名不正則事不成此之謂矣今制定文字世所
用者頒下遠近永爲楷式夏四月詔龍驤將軍步堆謁者僕射胡覲使於劉義隆五月詔天下十家發大牛一頭運粟塞上秋九月永安安樂二殿成丁卯大饗以落之冬十月治兵於西郊癸卯車駕北伐平陽王長孫翰等絕漠追之蠕

蠕北走事具蠕蠕傳是年赫連屈丐死子昌偁立

三年春正月壬申車駕至自北伐班軍實以賜將士行留各有差乞伏熾磐遣使朝貢請討赫連昌二月起大學於城東祀孔子以顏淵配夏五月辛卯中山公元纂進爵爲王南安公元素復先爵常山王六月辛雲中舊宮謁陵廟西至五原田於陰山東至和兜山秋七月築馬射臺于長川帝親登臺觀走馬王公諸國君長馳射中者賜金錦繒絮各有差八月車駕還宮劉義隆遣使朝貢帝以屈丐既死諸子相攻九月遣司空奚斤率義兵將軍封禮雍州刺史延普襲蒲坂宋兵將軍周幾率洛州刺史于栗磾襲陝城冬十月丁巳車駕西伐幸雲中臨君子津會天暴寒數日冰結十有一月戊寅帝率輕騎二萬襲赫連昌壬午至其城下徙萬餘家而還語在昌傳至祚山班所虜獲以賜將士各有差奚斤未至蒲坂昌守將赫連乙升棄城西走昌弟助興守長安乙升復與助興自長安西走安定奚斤遂入蒲坂十有二月詔斤西據長安秦雍氏羌皆叛昌請斤降武都氏王楊玄及沮渠蒙遜等皆遣使內附

四年春正月乙酉車駕至自西伐賜留臺文武生口繒帛馬牛各有差從人在道多死其能到都者纔十六七己亥行幸幽州赫連昌遣其弟平原公定率衆二萬向長安帝聞之乃遣就陰山伐木大造攻具二月車駕還宮三月丙子遣高涼王禮鎮長安詔執金吾桓貸造橋於君子津丁丑廣平王連薨夏四月丁未詔員外散騎常侍步堆謁者僕射胡覲等使於劉義隆是月治兵講武分諸軍司徒長孫翰廷尉長孫道生宗正娥清三萬騎爲前驅常山王素太僕丘堆將軍元太毗步兵三萬爲後繼南陽王伏真執金吾桓貸將軍姚黃眉步兵三萬部攻城器械將軍賀多羅精騎三千爲前候五月車駕西討赫連辛昌已濟君子津三城胡會鵠子相率內附帝次拔隣山築城舍輜重以輕騎三萬先行戊戌至于黑水帝親祈天告祖宗之靈而誓衆焉六月甲辰昌引衆出城大破之事在昌傳昌將麾下數百騎西南走奔上邽諸軍乘勝追至城北死者萬餘人臨陣殺昌弟河南公滿及其兄子蒙遜會日暮昌尙書僕射問至拔城夜將昌母出走乙巳車駕入城虜昌羣弟及其諸母姊妹妻妾宮人萬數府庫珍寶

車旗器物不可勝計擒昌尙書王買薛超等及司馬德宗將毛脩之秦雍人士數千人獲馬三十餘萬匹牛羊數千萬以昌宮人及生口金銀珍翫布帛班賚將士各有差昌弟平原公定拒司空奚斤於長安城娥濟率騎五千討之西走上邽辛酉班師留常山王素執金吾桓貸鎮統萬秋七月己卯築壇於祚嶺戲馬馳射賜射中者金錦繒絮各有差蠕蠕寇雲中聞破赫連昌懼而還走八月壬子車駕至自西伐欽至策勳告於宗廟班軍實以賜留臺百寮各有差九月丁酉安定民舉城歸降冬十有一月以氐王楊玄爲都督荆梁益寧四州諸軍事假征南大將軍梁州刺史南秦王十有二月行幸中山守宰貪污免者十數人癸卯車駕還宮復所過田租之半

神龜元年春正月以天下守令多行非法精選忠良悉代之辛未京兆王黎薨二月改元赫連昌退屯平涼司空奚斤進軍安定將軍丘堆爲昌所敗監軍侍御史安頡出戰擒昌昌餘衆立昌弟定爲王走還平涼三月癸酉詔侍中古弼迎赫連昌辛巳弼等以昌至于京師司空奚斤追定於平涼馬鬣嶺爲定所擒

丘堆先守輜重在安定聞斤敗棄甲東走蒲坂帝聞大怒詔安頡斬堆夏四月
赫連定遣使朝貢帝詔諭之壬子西巡戊午田于河西大赦天下南秦王楊玄
遣使朝貢六月丁酉并州胡酋卜田謀反伏誅餘衆不安詔淮南公王倍斤鎮
慮虜撫慰之甲寅行幸長川秋七月車駕還宮八月東幸廣寧臨觀溫泉以太
牢祭黃帝堯舜廟蠕蠕大檀遣子將萬餘騎入塞事具蠕蠕傳上郡休屠胡酋
金崖率部內屬九月車駕還宮上洛巴渠泉午觸等萬餘家內附冬十月甲辰
北巡壬子田于牛川劉義隆淮北鎮將王仲德遣步騎二千餘入寇濟陽陳留
是月車駕還宮閏月辛巳義隆又遣將王玄謨兗州刺史竺靈秀步騎二千人
寇滎陽將襲虎牢豫州遣軍逆擊走之上郡屠各隗詵歸率萬餘家內屬定州
丁零鮮于臺陽翟喬等二千餘家叛入西山劫掠郡縣州軍討之失利詔鎮南
將軍壽光侯叔孫建擊之十有一月行幸河西大校獵十有二月甲申車駕還
宮是歲皇子晃生乞伏熾誓死子暮末僭立沮渠蒙遜遣使朝貢

二年春正月赫連定弟酒泉公備自平涼來奔丁零鮮于臺陽等歸罪詔赦之

二月上黨李禹聚衆殺太守自稱無上王署置將帥河內守將擊破之禹亡走入山爲人執送斬之夏四月治兵于南郊劉義隆遣使朝貢庚寅車駕北伐以太尉北平王長孫嵩衛尉廣陵公樓伏連留守京師從東道與長孫翰等期會於賊庭五月丁未次于沙漠舍輜重輕騎兼馬至粟水蠕蠕震怖焚燒廬舍絕跡西走事具蠕蠕傳是月赫連定來侵統萬東至侯尼城而還秋七月車駕東轅至黑山校數軍實班賜王公將士各有差八月帝以東部高車屯已尼陂詔左僕射安原率騎萬餘討之事具蠕蠕傳冬十月振旅凱旋于京師告於宗廟列置新民於漠南東至濡源西暨五原陰山竟三千里詔司徒平陽王長孫翰尙書令劉潔左僕射安原侍中古弼鎮撫之十有一月西巡狩田于河西至祚山而還

三年春正月庚子車駕還宮壬寅大赦天下癸卯行幸廣寧臨溫泉作溫泉之歌二月丁卯司徒平陽王長孫翰薨戊辰車駕還宮三月壬寅進會稽公赫連昌爲秦王癸卯雲中河西勅勒千餘家叛尙書令劉潔追滅之帝聞劉義隆將

寇邊乃詔冀定相三州造船三千艘簡幽州以南戍兵集于河上以備之夏四月甲子行幸雲中勅勒萬餘落叛走詔尙書封鐵追討滅之五月戊戌詔曰夫士之爲行在家必孝處朝必忠然後身榮於時名揚後世矣近遣尙書封鐵翦除亡命其所部將士有盡忠竭節以殞軀命者今皆追贈爵號或有蹈鋒履難以自效者以功次進位或有故違軍法私離幢校者以軍法行戮夫有功蒙賞有罪受誅國之常典不可暫廢自今後以不善者可以自改其宣勅內外咸使聞知六月詔平南大將軍假丹陽王太毗屯于河上以司馬楚之爲安南大將軍琅邪王屯潁川秋七月己亥詔曰昔太祖撥亂制度草創太宗因循未遑改作軍國官屬至乃闕然今諸征鎮將軍王公仗節邊遠者聽開府辟召其次增置吏員庚子詔大鴻臚卿杜超假節都督冀定相三州諸軍事行征南大將軍太宰進爵爲王鎮鄴爲諸軍節度八月清河羣盜殺太守劉義隆將到彥之自清水入河沂流西行帝以河南兵少詔攝四鎮乃治兵將西討丙寅到彥之遣將渡河攻冶坂冠軍將軍安頡督諸軍擊破之斬首五千餘級投水死者甚衆

甲戌行幸南宮獵于南山戊寅詔征西大將軍長孫道生屯于河上九月己丑
赫連定遣弟謂以代寇鄜城平西將軍始平公隗歸等率諸軍討之擒賊將王
卑殺萬餘人謂以代遁走癸卯立密皇太后廟于鄜甲辰行幸統萬遂征平涼
冬十月庚申到彥之王仲德沿河置守還保東平乙亥冠軍將軍安頡濟河攻
洛陽丙子拔之擒義隆將二十人斬首五千級時河北諸軍會于七女津彥之
恐軍南度遣將王蟠龍泝流欲盜官船征南大將軍杜超等擊破斬之辛巳安
頡平虎牢義隆司州刺史尹冲墜城死十有一月乙酉車駕至平涼先是赫連
定將數萬人東禦於鄜城留其弟上谷公社于廣陽公度洛孤城守帝至平涼
登北原使赫連昌招諭之社于不降詔安西將軍古弼等擊安定攻平涼定聞
之棄鄜城入于安定自率步騎三萬從鶉觚原將救平涼與弼相遇弼擊之殺
數千人乃還走詔諸軍四面圍之甲午壽光侯叔孫建汝陰公長孫道生濟河
到彥之王仲德從濟入濟東走青州義隆兗州刺史竺靈秀棄須昌南奔湖陸
丁酉定乏水引衆下原詔武衛將軍丘眷擊之定衆大潰死者萬餘人定中重

創單騎遁走獲定第丹陽公烏視拔武陵公禿骨及公侯百餘人是日諸將乘勝進軍遂取安定定從兄東平公乙升棄城奔長安劫掠數千家西奔上邽戊戌叔孫建大破竺靈秀於湖陸殺獲五千餘人已亥帝幸安定獲乞伏熾磐質子及定車旗簿其生口財畜班賜將士各有差庚子帝自安定還臨平涼遂掘塹圍守之行幸紐城安慰初附赦秦雍之民賜復七年定隴西守及將士數千人來降辛丑冠軍將軍安頡率諸軍攻滑臺琅邪王司馬楚之破劉義隆將於長社沮渠蒙遜遣使朝貢壬寅封壽光侯叔孫建爲丹陽王十有二月丁卯定第社于度洛孤面縛出降平涼平收其珍寶定長安臨晉武功守將皆奔走關中平壬申車駕東還留巴東公延普等鎮安定是歲馮跋死第文通僭立

四年春正月壬午車駕次于木根山大饗羣臣賜布帛各有差丙申劉義隆將檀道濟王仲德從清水救滑臺丹陽王叔孫建汝陰公長孫道生拒之道濟等不敢進是月乞伏暮末爲赫連定所滅二月辛酉安頡司馬楚之平滑臺擒義隆將朱脩之李元德及東郡太守申謨癸酉車駕還宮飲至策勳告於宗廟賜

留臺百官各有差戰士賜復十年丁丑行幸南宮定州民饑詔啓倉以賑之義
隆將檀道濟王仲德東走諸將追之至歷城而還三月庚戌冠軍將軍安頡獻
義隆俘萬餘人甲兵三萬夏五月庚寅行幸雲中六月赫連定北襲沮渠蒙遜
爲吐谷渾慕瓚所執閏月乙未蠕蠕國遣使朝獻詔散騎侍郎周紹使于劉義
隆秋七月己酉行幸河西起承華宮八月乙酉沮渠蒙遜遣子安周入侍吐谷
渾慕瓚遣使奉表請送赫連定己丑以慕瓚爲大將軍西秦王九月癸丑車駕
還宮庚申加太尉長孫嵩柱國大將軍特進左光祿大夫崔浩爲司徒征西大
將軍長孫道生爲司空癸亥詔兼太常李順持節拜河西王沮渠蒙遜爲假節
加侍中都督涼州及西域羌戎諸軍事行征西大將軍太傅涼州牧涼王壬申
詔曰頃逆命縱逸方夏未寧戎車屢駕不遑休息今二寇摧殄士馬無爲方將
偃武脩文遵太平之化理廢職舉逸民拔起幽窮延登備又昧旦思求想遇師
輔雖殷宗之夢板築罔以加也訪諸有司咸稱范陽盧玄博陵崔綽趙郡李靈
河間邢穎勃海高允廣平游雅太原張偉等皆賢儔之胄冠冕州邦有羽儀之

用詩不云乎鶴鳴九臯聲聞于天庶得其人任之政事共臻邕熙之美易曰我
有好爵吾與爾縻之如玄之比隱跡衡門不耀名譽者盡勅州郡以禮發遣遂
徵玄等及州郡所遣至者數百人皆差次敘用冬十月戊寅詔司徒崔浩改定
律令行幸漠南十一月丙辰北部勅勒莫弗庫若于率其部數萬騎驅鹿數百
萬詣行在所帝因而大狩以賜從者勒石漠南以記功德宜城王奚斤坐事降
爵爲公十二月丁丑車駕還宮

延和元年春正月丙午尊保太后爲皇太后立皇后赫連氏立皇子晃爲皇太
子謁于太廟大赦改年己巳詔曰朕以眇身獲奉宗廟思闡洪基廓清九服遭
值季運天下分崩是用屢征罔或寧息自始光至今九年之間戎車十舉羣帥
文武荷戈被甲櫛風沐雨蹈履鋒刃與朕均勞賴神祇之助將士宣力用能摧
折疆豎克翦大憝兵不極武而二寇俱滅師不違律而還方以寧加以時氣和
洽嘉瑞並降遍於郡國不可勝紀豈朕一人獨應此祐斯亦羣后協同之所致
也公卿因茲稽諸天人之會請建副貳夫慶賞之行所以褒崇勳舊旌顯賢能

以永無疆之休其王公將軍以下普增爵秩啓國承家脩廢官舉備逸蠲除煩苛更定科制務從輕約除故革新以正一統羣司當深思效績直道正身立功立事無或懈怠稱朕意焉二月丙子行幸南宮三月丁未追贈夫人賀氏爲皇后壬申西秦王吐谷渾慕瓚送赫連定於京師夏五月大簡輿徒于南郊將討馮文通劉義隆遣使朝貢六月庚寅車駕伐和龍詔尙書左僕射安原等屯于漠南以備蠕蠕辛卯兼散騎常侍鄧穎使於劉義隆秋七月己未車駕至濡水庚申遣安東將軍宜城公奚斤發幽州民及密雲丁零萬餘人運攻具出南道俱會和龍帝至遼西文通遣其侍御史崔聘奉獻牛酒己巳車駕至和龍臨其城文通石城太守李崇建德太守王融十餘郡來降發其民三萬人穿圍塹以守之是月築東宮八月甲戌文通使數萬人出城挑戰昌黎公元丘與河間公元齊擊破之死者萬餘人文通尙書高紹率萬餘家保羌胡固己卯車駕討紹辛巳斬之詔平東將軍賀多羅攻文通帶方太守慕容玄於猴固撫軍大將軍柔昌王健攻建德驃騎大將軍樂平王丕攻冀陽皆拔之虜獲生口班賜將士

各有差九月乙卯車駕西還徙營丘成周遼東樂浪帶方玄菟六郡民三萬家于幽州開倉以賑之冬十月癸酉車駕至濡水吐谷渾慕瓚遣使朝貢十有一月乙巳車駕至自伐和龍十有二月己丑馮文通長樂公崇及其母弟朗朗弟邈以遼西內屬文通遣將封羽圍遼西先是辟召賢良而州郡多逼遣之詔曰朕除為平暴征討累年思得英賢緝熙治道故詔州郡搜揚隱逸進舉賢俊古之君子養志衡門德成業就才為世使或雍容雅步三命而後至或棲棲遑遑負鼎而自達雖徇尚不同濟時一也諸召人皆當以禮申論任其進退何逼遣之有也此刺史守宰宣揚失旨豈復光益乃所以彰朕不德自今以後各令鄉閭推舉守宰但宣朕虚心求賢之意既至當待以不次之舉隨才文武任之政事其明宣勅咸使聞知是年禿髮傳檀子保周棄沮渠蒙遜來奔以保周為張掖公

二年春正月乙卯撫軍大將軍永昌王健督諸軍救遼西丙寅以樂安王範為假節加侍中都督秦雍涇梁益五州諸軍事衛大將軍儀同三司鎮長安二月

庚午詔兼鴻臚卿李繼持節假馮崇車騎大將軍遼西王承制聽置尙書已下
賜崇功臣爵秩各有差征西將軍金崖與安定鎮將延普及涇州刺史狄子玉
爭權構隙舉兵攻普不克退保胡空谷驅掠平民據險自固詔散騎常侍平西
將軍安定鎮將陸侯討獲之壬午行幸河西詔兼散騎常侍宋宣使於劉義隆
丙申馮崇母弟朗來朝三月司馬德宗驃騎將軍司馬元顯子天助來降壬子
車駕還宮夏五月己亥行幸山北六月遣撫軍大將軍永昌王健尙書左僕射
安原督諸軍討和龍將軍樓勃別將五千騎圍瓦城文通守將封羽以城降收
其民三千餘家辛巳詔樂安王範發秦雍兵萬人築小城於長安城內秋八月
遼西王馮崇上表求說降其父帝不聽九月劉義隆遣使朝貢奉馴象一戊午
詔兼大鴻臚卿崔躋持節拜征虜將軍楊難當爲征南大將軍儀同三司封南
秦王冬十月南秦王楊難當率衆圍漢中十有一月甲寅車駕自山北還宮十
有二月己巳大赦天下辛未幸陰山之北隴西休屠王弘祖率衆內屬金崖旣
死部人立崖從弟當川領其衆詔兼散騎常侍盧玄使於劉義隆是歲沮渠蒙

遜死以其子牧健爲車騎將軍改封河西王

三年春正月乙未車駕次于女水大饗羣臣班賜各有差戊戌馮文通遣其給

事黃門侍郎伊臣乞和帝不許丙辰金當川反楊難當克漢中送雍州流民七

千家于長安二月丁卯蠕蠕吳提奉其妹并遣其異母兄禿鹿傀及左右數百

人朝貢獻馬二千匹戊寅詔曰朕承統之始羣凶縱逸四方未寧所在逆僭蠕

蠕陸梁於漠北鐵弗肆虐於三秦是以盱食忘寢抵掌扼腕期在掃清逋殘寧

濟萬寓故頻年屢征有事西北運輸之役百姓勤勞廢失農業遭離水旱致使

生民貧富不均未得家給人足或有寒窮不能自贍者朕甚愍焉今四方順軌

兵革漸寧宜寬徭賦與民休息其令州郡縣隱括貧富以爲三級其富者租賦

如常中者復二年下窮者復三年刺史守宰當務盡平當不得阿容以罔政治

明相宣約咸使聞知辛卯車駕還宮三月甲寅行幸河西閏月甲戌秦王赫連

昌叛走丙子河西候將格殺之驗其謀反羣弟皆伏誅己卯車駕還宮彭城公

元粟進爵爲王辛巳馮文通遣尙書高顥上表稱藩詔徵其侍子戊子金當川

率其衆圍西川侯彭文暉於陰密夏四月乙未詔征西大將軍常山王素討當
川丁未行幸河西壬戌獲當川斬之于長安以徇六月甲辰車駕還宮辛亥撫
軍大將軍永昌王健司空汝陰公長孫道生侍中古弼督諸軍討和龍芟其禾
稼徙民而還秋七月辛巳東宮成備置屯衛三分西宮之一壬午行幸美稷遂
至隰城命諸軍討山胡白龍于西河九月戊子克之斬白龍及其將帥屠其城
冬十月癸巳蠕蠕國遣使朝貢甲午破白龍餘黨于五原詔山胡爲白龍所逼
及歸降者聽爲平民諸與白龍同惡斬數千人虜其妻子班賜將士各有差十
有一月車駕還宮十有二月甲辰行幸雲中

太延元年春正月壬午降死刑已下各一等癸未出太祖太宗宮人令得嫁甲
申大赦改年二月庚子蠕蠕焉耆車師諸國各遣使朝獻詔長安及平涼民徙
在京師其孤老不能自存者聽還鄉里丁未車駕還宮三月癸亥馮文通遣大
將渴燭通朝獻辭以子疾夏五月庚申進宜都公穆壽爲宜都王汝陰公長孫
道生爲上黨王宣城公奚斤爲恆農王廣陵公樓伏連爲廣陵王本官各如故

遣使者二十輩使西域甲戌行幸雲中六月甲午詔曰頃者寇逆消除方表漸
晏思崇政化敷洪治道是以屢詔有司班宣恩惠綏理百揆羣公卿士師尹牧
守或未盡導揚之美致令陰陽失序和氣不平去春小旱東作不茂憂勤克己
祈請靈祇上下咸秩豈朕精誠有感何報應之速雲雨震灑流澤霑渥有鄙婦
人持方寸玉印詣潞縣侯孫家既而亡去莫知所在玉色鮮白光照內映印有
三字爲龍鳥之形要妙奇巧不類人迹文曰旱疫平推尋其理蓋神靈之報應
也朕用嘉焉比者已來禎瑞仍臻所在甘露流液降於殿內嘉瓜合蒂生于中
山野木連理殖於魏郡在先后載誕之鄉白鷺集于盛樂舊都玄鳥隨之蓋有
千數嘉禾頻歲合秀於恆農白雉白兔並見於渤海白雉三隻又集於平陽太
祖之廟天降嘉貺將何德以酬之所以內省驚震欣懼交懷其令天下大酺五
日禮報百神守宰祭界內名山大川上答天意以求福祿丙午高麗部善國並
遣使朝獻戊申詔驃騎大將軍樂平王丕等五將率騎四萬東伐文通秋七月
田於柤陽己卯丕等至於和龍徙男女六千口而還八月丙戌遂幸河西粟特

國遣使朝獻九月甲戌車駕還宮冬十月癸卯尙書左僕射安原謀反伏誅甲辰行幸定州次于新城宮十有一月乙丑行幸冀州己巳校獵于廣川丙子行幸鄴祀密太后廟諸所過對問高年褒禮賢俊十有二月甲申詔曰操持六柄王者所以統攝平政理訟公卿之所司存勸農平賦宰民之所專急盡力三時黔首之所克濟各修其分謂之有序今更不然何以爲治越職侵局有紊綱紀上無定令民知何從自今以後亡匿避難羈旅他鄉皆當歸還舊居不問前罪民相殺害牧守依法平決不聽私輒報者誅及宗族隣伍相助與同罪州郡縣不得妄遣吏卒煩擾民庶若有發調縣宰集鄉邑三老計賞定課哀多益寡九品混通不得縱富督貧避彊侵弱太守覆檢能否覈其殿最列言屬州刺史明考優劣抑退姦吏升進貞良歲盡舉課上臺牧守荷治民之任當宣揚恩化奉順憲典與國同憂直道正身肅居官次不亦善乎癸卯遣使者以太牢祀北岳二年春正月甲寅車駕還宮二月戊子馮文通遣使朝貢求送侍子帝不許壬辰遣使者十餘輩詣高麗東夷諸國詔諭之三月丙辰劉義隆遣使朝貢辛未

平東將軍娥清安西將軍古弼率精騎一萬討馮文通平州刺史元嬰又率遼西將軍會之文通迫急求救於高麗高麗使其大將葛莫盧以步騎二萬人迎文通甲戌以闕鎮虎牢夏四月甲申皇子小兒苗兒並薨五月乙卯馮文通奔高麗戊午詔散騎常侍封撥使高麗徵送文通丁卯行幸河西赫連定之西也楊難當竊據上邽秋七月庚戌詔驃騎大將軍樂平王丕等督河西高平諸軍討之詔散騎侍郎廣平子游雅等使於劉義隆八月丁亥遣使六輩使西域帝校獵于河西詔廣平公張黎發定州七郡一萬二千人通沙泉道甲辰高車國遣使朝獻九月庚戌驃騎大將軍樂平王丕等至略陽難當奉詔攝上邽守高麗不送文通遣使奉表稱當與文通俱奉王化帝以高麗違詔議將擊之納樂平王丕計而止冬十有一月己酉行幸樞陽驅野馬於雲中置野馬苑閏月壬子車駕還宮乙丑潁川王提改封武昌王河西王沮渠牧犍遣使朝貢是歲吐谷渾慕瓚死

三年春正月癸未征東大將軍中山王纂薨戊子太尉北平王長孫嵩薨乙巳

鎮南大將軍丹陽王叔孫建薨二月乙卯行幸幽州存恤孤老問民疾苦還幸上谷遂至代所過復田租之半高麗契丹國並遣使朝獻三月丁丑以南平王渾爲鎮東大將軍儀同三司鎮和龍己卯車駕還宮癸巳龜茲悅般耆耆車師粟特疏勒烏孫渴槃陀鄯善諸國各遣使朝獻丁酉劉義隆遣使朝貢夏五月己丑詔曰方今寇逆消殄天下漸晏比年以來屢詔有司班宣惠政與民寧息而內外羣官及牧守令長不能憂勤所司糾察非法廢公帶私更相隱置濁貨爲官政存苟且夫法之不用自上犯之其令天下吏民得舉告守令不如法者丙申行幸雲中秋七月戊子使撫軍大將軍永昌王健司空上黨王長孫道生討山胡白龍餘黨於西河滅之八月甲辰行幸河西九月甲申車駕還宮丁酉遣使者拜西秦王慕瓚弟慕利延爲鎮西大將軍儀同三司改封西平王冬十月癸卯行幸雲中十一月壬申車駕還宮甲申破洛那者舌國各遣使朝獻奉汗血馬是歲河西王沮渠牧犍世子封壇來朝

四年春三月庚辰鄯善王弟素延耆來朝癸未罷沙門年五十己下江陽王根

薨是月高麗殺馮文通夏五月戊寅大赦天下丙申行幸五原秋七月壬午車駕北伐事具蠕蠕傳冬十月乙丑大饗六軍十二月丁巳車駕至自北伐上洛巴泉草等相率內附詔兼散騎常侍高雅使劉義隆

五年春正月庚寅行幸定州三月丁卯詔衛大將軍樂安王範遣雍州刺史葛那取上洛劉義隆上洛太守鐔長生棄郡走辛未車駕還宮庚寅以故南秦王世子楊保宗爲征南大將軍秦州牧武都王鎮上邽夏四月丁酉鄯善龜茲疏勒焉耆諸國遣使朝獻五月丁丑治兵於西郊癸未遮逸國獻汗血馬六月甲辰車駕西討沮渠牧犍侍中宜都王穆壽輔皇太子決留臺事大將軍長樂王祕敬輔國大將軍建寧王崇二萬人屯漠南以備蠕蠕秋七月己巳車駕至上都屬國城大饗羣臣講武馬射壬午留輜重分部諸軍撫軍大將軍永昌王健尙書令鉅鹿公劉潔諸軍與常山王素二道並進爲前鋒驃騎大將軍樂平王丕太宰陽平王杜超督平涼鄜城諸軍爲後繼八月甲午永昌王健獲牧犍牛馬畜產二十餘萬牧犍遣弟董來率萬餘人拒戰於城南望塵退走丙申車駕

至姑臧牧健兄子祖踰城來降乃分軍圍之九月丙戌牧健兄子萬年率麾下
來降是日牧健與左右文武五千人面縛軍門帝解其縛待以藩臣之禮收其
城內戶口二十餘萬倉庫珍寶不可稱計進張掖公禿髮保周爵爲王與龍驤
將軍穆羆安遠將軍源賀分略諸郡雜人降者亦數十萬牧健弟張掖太守宜
得燒倉庫西奔酒泉樂都太守安周南奔吐谷渾遣鎮南將軍奚眷討張掖遂
至酒泉牧健弟酒泉太守無諱及宜得復奔晉昌使弋陽公元潔守酒泉鎮北
將軍封沓討樂都掠數千家而還班賜將士各有差戊子蠕蠕犯塞遂至七介
山京師大駭皇太子命上黨王長孫道生等拒之事具蠕蠕傳冬十月辛酉車
駕東還徙涼州民三萬餘家于京師留驃騎大將軍樂平王丕征西將軍賀多
羅鎮涼州癸亥遣張掖王禿髮保周諭諸部鮮卑保周因率諸部叛於張掖十
才一月乙巳劉義隆遣使朝獻并獻馴象一是月高麗及粟特渴盤陁破洛那
悉居半諸國各遣使朝獻十有二月壬午車駕至自西伐飲至策勳告於宗廟
楊難當寇上邽鎮將元勿頭擊走之是歲鄯善龜茲疏勒焉耆高麗粟特渴盤

魏書卷四上考證

世祖紀初造新字千餘○臣人龍按本書太祖紀天興四年比衆經文字凡四

萬餘字此則初造新字頒之遠近蓋天興所集者經傳所有也始光所造是時俗所行而衆經文所不及收者也金石文字記謂說文所無而後人續添之字大都出此然三國志云有山陰朱育依體像類造作異字千名以上則知別撰之字自漢有之矣

馮文通長樂公崇及其母弟朗朗弟邈○北史作馮文通子長樂公崇考列傳崇朗邈皆文通子也加一子字義較明

魏書卷四上考證

新書第四十卷

海國圖志卷之四十一

蘇文淵長樂公撰其具與陳國朝議○本國非華文經千長德公○
城際通生等撰卷之四十一

本國六經出於三國亦元育山朝亦育海國經世並皆經千長德公○
華書經世通英藝文淵不死妙書出金石文字諸國文淵無情婦人經業
萬法事汝慎時世海聖之聖世道天與地業皆聖觀海百身法水形世業
書經世通英藝文淵千長德○
日入體 卷本書太師路天與兩半水集經文字世四

海國圖志卷之四十一

魏書卷四下

齊

魏

收

撰

帝紀第四下

世祖紀下

恭宗紀

太平真君元年春正月己酉沮渠無諱圍酒泉辛亥分遣侍臣巡行州郡觀察風俗問民疾苦壬子無諱誘執弋陽公元潔二月己巳詔假通直常侍邢穎使於劉義隆發長安五千人浚昆明池三月酒泉陷夏四月庚辰無諱寇張掖禿髮保周屯于刪丹丙戌詔撫軍大將軍永昌王健等督諸軍討保周五月辛卯行幸北部乙巳無諱復圍張掖不克退還丙辰車駕還宮六月丁丑皇孫濬生大赦改年秋七月行幸陰山己丑永昌王健至番禾破保周保周遁走丙申皇太后竇氏崩于行宮癸丑保周自殺傳首京師八月甲申無諱降送弋陽公元潔及諸將士九月壬寅車駕還宮冬十有一月丁亥行幸山北十二月車駕還宮是歲州鎮十五民饑開倉賑恤以河南王曜子羯兒爲河間王後改封略陽

二年春正月癸卯拜沮渠無諱爲征西大將軍涼州牧酒泉王甲辰行幸溫泉
二月壬戌車駕還宮三月辛卯葬惠太后於崑山庚戌新興王俊略陽王羯兒
有罪並黜爲公辛亥封蠕蠕郁久閭乞列歸爲朔方王沮渠萬年爲張掖王夏
四月丁巳劉義隆遣使朝貢庚辰詔鎮南將軍南陽公奚眷征酒泉五月辛卯
行幸山北秋八月辛亥詔散騎侍郎張偉等使劉義隆行幸河西九月戊戌撫
軍大將軍永昌王健薨冬十有一月庚子鎮南將軍奚眷平酒泉獲沮渠天周
臧嗟屈德男女四千口十有二月甲戌車駕還宮丙子劉義隆遣使朝貢
三年春正月甲申帝至道壇親受符籙備法駕旗幟盡青語在釋老志三月壬
寅北平王長孫頹有罪削爵爲侯夏四月無諱走渡流沙據鄯善李暠孫寶據
敦煌遣使內附三月行幸陰山之北閏月劉義隆龍驤將軍裴方明梁州刺史
劉康祖寇南秦南秦王楊難當敗奔於上邽六月丙戌難當朝於行宮先是起
殿於陰山之北殿始成而難當至因名曰廣德焉秋七月丙寅詔安西將軍建

與公古弼督隴右諸軍及殿中虎賁與武都王楊保宗等從祁山南入征西將
軍淮陽公皮豹子與琅邪王司馬楚之等督關中諸軍從散關西入俱會仇池
鬱林公司馬文思爲征南大將軍進爵譙王督洛豫諸軍事南趣襄陽征南將
軍東安公刁雍東趣廣陵邀方明歸路冬十月己卯封皇子伏羅爲晉王翰爲
秦王譚爲燕王建爲楚王余爲吳王十有二月辛巳侍中太保襄城公盧魯元
薨丁酉車駕還宮李寶遣使朝貢以寶爲鎮西大將軍開府儀同三司沙州牧
封敦煌公

四年春正月己巳征西將軍皮豹子等大破劉義隆將於樂鄉擒其將王奐之
王長卿等強玄明辛伯奮棄下辨遁走追斬之盡虜其衆庚午行幸中山二月
丙子車駕至于恆山之陽詔有司刊石勒銘是月克仇池三月庚申車駕還宮
壬戌烏洛侯國遣使朝貢夏四月武都王楊保宗謀反諸將擒送京師諸氏羌
復推保宗弟文德爲主圍仇池丁酉大赦天下己亥行幸陰山五月將軍古弼
大破諸氏解仇池圍六月庚寅詔曰朕承天子民憂理萬國欲令百姓家給人

足與於禮義而牧守令宰不能助朕宣揚恩德勤恤民隱至乃侵奪其產加以殘虐非所以爲治也今復民貲賦三年其田租歲輸如常牧守之徒各厲精爲治勸課農桑不得妄有徵發有司彈糾勿有所縱癸巳大閱于西郊秋九月辛丑行幸漠南甲辰捨輜重以輕騎襲蠕蠕分軍爲四道事具蠕蠕傳鎮北將軍封沓亡入蠕蠕冬十一月將軍皮豹子等追破劉義隆將於濁水甲子車駕至於朔方詔曰朕承祖宗重光之緒思闡洪基恢隆萬世自經營天下平暴除亂掃清不順二十年矣夫陰陽有往復四時有代謝授子任賢所以休息優隆功臣式圖長久蓋古今不易之令典也其令皇太子副理萬機總統百揆諸朕功臣勤勞日久皆當以爵歸第隨時朝請饗宴朕前論道陳謨而已不宜復煩以劇職更舉賢俊以備百官主者明爲科制以稱朕心十二月辛卯車駕至自北伐

五年春正月壬寅皇太子始總百揆侍中中書監宜都王穆壽司徒東郡公崔浩侍中廣平公張黎侍中建興公古弼輔太子以決庶政諸上書者皆稱臣上

疏儀與表同戊申詔曰愚民無識信惑妖邪私養師巫挾藏讖記陰陽圖緯方伎之書又沙門之徒假西戎虛誕生致妖孽非所以壹齊政化布淳德於天下也自王公已下至於庶人有私養沙門師巫及金銀工巧之人在其家者皆遣詣官曹不得容匿限今年二月十五日過期不出師巫沙門身死主人門誅明相宣告咸使聞知庚戌詔曰自頃以來軍國多事未宣文教非所以整齊風俗示軌則於天下也今制自王公已下至於卿士其子息皆詣太學其百工伎巧鬪卒子息當習其父兄所業不聽私立學校違者師身死主人門誅二月辛未中山王辰等入將以北伐後期斬于都南癸酉驃騎大將軍樂平王丕薨庚辰行幸廬闕三月戊戌大會于那南池遣使者四輩使西域甲辰車駕還宮癸丑詔征西大將軍司空上黨王長孫道生鎮統萬夏四月乙亥侍中太宰陽平王杜超爲帳下所殺五月丁酉行幸陰山之北六月北部民殺立義將軍衡陽公莫孤率五千餘落北走追擊于漠南殺其渠帥餘徙居冀相定三州爲營戶西平王吐谷渾慕利延殺其兄子緯代是月緯代弟叱力延等來奔乞師以叱力

延爲歸義王秋七月癸卯東雍州刺史沮渠秉謀叛伏誅八月乙丑田于河西
壬午詔員外散騎常侍高濟使於劉義隆晉王伏羅督高平涼州諸軍討吐谷
渾慕利延九月帝自河西至馬邑觀于崞川己亥車駕還宮丁未行幸漠南冬
十月癸未晉王伏羅大破慕利延走奔白蘭慕利延從弟伏念長史鑄
鳩黎部大崇娥等率其部一萬三千落內附十一月劉義隆遣使朝貢十二月
粟特國遣使朝貢丙戌車駕還宮

六年春正月辛亥車駕行幸定州引見長老存問之詔兼員外散騎常侍宋愔
使劉義隆二月遂西幸上黨觀連理樹於泫氏西至吐京討徙叛胡出配郡縣
三月庚申車駕還宮詔諸有疑獄皆付中書以經義量決是月酒泉公郝溫反
於杏城殺守將王懔縣吏蓋鮮率宗族討溫溫棄城走自殺家屬伏誅夏四月
庚戌征西大將軍高涼王那等討吐谷渾慕利延於陰平白蘭詔秦州刺史天
水公封勅文擊慕利延兄子什歸於枹罕散騎常侍成周公萬度歸乘傳發涼
州以西兵襲鄯善六月壬辰車駕北巡什歸聞軍將至棄城夜遁秋八月丁亥

封勅文入袍罕分徙千家還上邽壬辰度歸以輕騎至鄯善執其王真達以詣京師帝大悅厚待之車駕幸陰山之北次于廣德宮詔發天下兵三分取一各當戒嚴以須後命徙諸種雜人五千餘家於北邊令民北徙畜牧至廣漠以餌蠕蠕壬寅高涼王那軍到曼頭城慕利延驅其部落西渡流沙那急追故西秦王慕瓚世子被囊逆軍拒戰那擊破之被囊輕騎遁走中山公杜豐精騎追之度三危至雪山生擒被囊什歸及熾磐子成龍送于京師慕利延遂西入于闐國九月盧水胡蓋吳聚衆反於杏城冬十月戊子長安鎮副將元紇率衆討之爲吳所殺吳黨遂盛民皆渡渭奔南山於是詔發高平勅勒騎赴長安詔將軍叔孫拔乘傳領攝并秦雍兵屯渭北十有一月高涼王那振旅還京師己未遣那及殿中尙書安定公韓茂率騎屯相州之陽平郡發冀州民造浮橋於礪磧津蓋吳遣其部落帥白廣平西掠新平安定諸夷酋皆聚衆應之殺汧城守將吳遂進軍李閏堡分兵掠臨晉巴東將軍章直與戰大敗之兵溺死於河者三萬餘人吳又遣兵西掠至長安將軍叔孫拔與戰於渭北大破之斬首三萬餘

級庚申遼東王寶滿頭薨河東蜀薛永宗聚黨盜官馬數千匹驅三千餘人入汾曲西通蓋吳受其位號秦州刺史金城公周鹿觀率衆討之不克而還庚午詔殿中尙書扶風公元處真尙書平陽公慕容嵩二萬騎討薛永宗詔殿中尙書乙拔率五將三萬騎討蓋吳西平公寇提三將一萬騎討吳黨白廣平蓋吳自號天台王署置百官辛未車駕還宮選六州兵勇猛者二萬人使永昌王仁高涼王那分領爲二道各一萬騎南略淮泗以北徙青徐之民以實河北癸未車駕西征

七年春正月戊辰車駕次東雍州庚午圍薛永宗營壘永宗出戰大敗六軍乘之永宗衆潰永宗男女無少長赴汾水死辛未車駕南幸汾陰庚辰帝臨戲水蓋吳退走北地二月丙戌幸長安存問父老丁亥幸昆明池丙申幸盤屋誅叛民耿青孫溫二壘與蓋吳通謀者軍次陳倉誅散關氏害守將者還幸雍城田於岐山之陽北道諸軍乙拔等大破蓋吳於杏城吳棄馬遁走永昌王仁至高平擒劉義隆將王章略金鄉方輿遷其民五千家於河北高涼王那至濟南東

平陵遷其民六千餘家於河北三月詔諸州坑沙門毀諸佛像徙長安城工巧
二千家於京師車駕旋軫幸洛水分軍誅李閩叛羌是月金城邊陲天水梁會
反據上邽東城秦州刺史封勅文擊之斬閭衆復推會爲帥夏四月甲申車駕
至自長安戊子鄴城毀五層佛圖於泥像中得玉璽二其文皆曰受命於天既
壽永昌其一刻其旁曰魏所受漢傳國璽五月癸亥安豐公閻根率騎詣上邽
與勅文討梁會會走漢中蓋吳復聚杏城自號秦地王假署山民衆旅復振於
是遣永昌王仁高涼王那督北道諸軍同討之六月甲申發定冀相三州兵二
萬人屯長安南山諸谷以防越逸丙戌發司幽定冀四州十萬人築畿上塞圍
起上谷西至于河廣袤皆千里秋八月蓋吳爲其下人所殺傳首京師永昌王
仁平其遺燼高涼王那破蓋吳黨白廣平生擒屠各路那羅於安定斬于京師
復略陽公羯兒王爵

八年春正月吐京胡阻險爲盜詔征東將軍武昌王提征南將軍淮南王他討
之不下山胡曹僕渾等渡河西保山以自固招引朔方諸胡提等引軍討僕渾

二月己卯高涼王那等自安定討平朔方胡因與提等合軍共攻僕渾斬之其衆赴險死者以萬數癸未行幸中山頒賜從官文武各有差高陽易縣民不從官命討平之徙其餘燼於北地三月河西王沮渠牧犍謀反伏誅徙安州丁零三千家於京師夏五月車駕還宮六月西征諸將扶風公元處真等入將坐盜沒軍資所在虜掠賊各千萬計並斬之八月衛大將軍樂安王範薨冬十月侍中中書監宜都王穆壽薨十二月鄯善遮逸國並遣子朝獻晉王伏羅薨

九年春正月劉義隆遣使朝貢氏楊文德受義隆官號守葭蘆城招誘武都陰平五部氏民詔仇池鎮將皮豹子討之文德棄城南走擒其妻子寮屬義隆白水太守郎啓玄率衆救文德豹子逆擊大破之啓玄文德走還漢中宕昌羌酋梁瑾慈遣使內附并貢方物二月癸卯行幸定州山東民饑啓倉賑之罷塞園作遂西幸上黨誅潞叛民二千餘家徙西河離石民五千餘家于京師詔於壺關東北大王山累石爲三封又斬其北鳳皇山南足以斷之三月車駕還宮夏五月甲戌以交趾公韓拔爲假節征西將軍領護西戎校尉鄯善王鎮鄯善賦

役其民比之郡縣六月辛酉行幸廣德宮丁卯悅般國遣使求與王師俱討蠕
蠕帝許之秋八月詔中外諸軍戒嚴九月乙酉治兵于西郊丙戌上幸陰山是
月成周公萬度歸千里驛上大破焉耆國其王鳩尸卑那奔龜茲冬十月辛丑
恆農王奚斤薨癸卯以婚姻奢靡喪葬過度詔有司更爲科限癸亥大赦天下
十有二月詔成周公萬度歸自焉耆西討龜茲皇太子朝于行宮遂從北討至
于受降城不見蠕蠕因積糧城內留守而還北平王長孫敦坐事降爵爲公
十年春正月戊辰朔帝在漠南大饗百寮班賜有差甲戌北伐二月蠕蠕渠帥
爾綿他拔等率其部落千餘家來降蠕蠕吐賀真恐懼遠遁事具蠕蠕傳三月
遂蒐于河西庚寅車駕還宮夏五月庚寅行幸陰山秋七月浮圖沙國遣使貢
獻九月闕武磧上遂北伐事具蠕蠕傳冬十月庚子皇太子及羣官奉迎於行
宮壬午大饗班賜所獲及布帛各有差十有一月龜茲疏勒破落那員闕諸國
各遣使朝獻十有二月戊申車駕至自北伐己酉以平昌公元託真爲中山王
十一年春正月乙酉行幸洛陽所過郡國皆親對高年存恤孤寡以高涼王那

爲儀同三司二月甲午大蒐於梁川皇子真薨是月大治宮室皇太子居于北宮車駕遠征懸瓠益遣使者安慰境外之民其不服者誅之永昌王仁大破劉義隆將劉坦之程天祚於汝東斬坦之擒天祚夏四月癸卯輿駕還宮賜從者及留臺郎吏已上生口各有差六月己亥誅司徒崔浩辛丑北巡陰山秋七月義隆遣其輔國將軍蕭斌之率衆六萬寇濟州刺史王買得棄州走斌之遂入城仍使寧朔將軍王玄謨西攻滑臺詔枋頭鎮將平南將軍南康公杜道儋助守兗州八月癸亥田於河西癸未治兵於西郊九月辛卯輿駕南伐癸巳皇太子北伐屯於漠南吳王余留守京都庚子曲赦定冀相三州死罪已下發州郡兵五萬分給諸軍冬十月癸亥車駕止枋頭詔殿中尙書長孫真率騎五千自石濟渡備玄謨遁走乙丑車駕濟河玄謨大懼棄軍而走衆各潰散追躡斬首萬餘級器械山積帝遂至東平蕭斌之棄濟州退保歷城乃命諸將分道並進使征西大將軍永昌王仁自洛陽出壽春尙書長孫真趨馬頭楚王建趨鍾離高涼王那自青州趨下邳車駕自邳道十有一月辛卯至于鄒山劉義隆魯郡

太守崔邪利率屬城降使使者以太牢祀孔子壬子次于彭城遂趨盱眙頰
國獻師子一十有二月丁卯車駕至淮詔刈萑葦作筏數萬而濟義隆盱眙守
將臧質閉門拒守將軍胡崇之等率衆二萬援盱眙燕王譚大破之臧崇之等
斬首萬餘級淮南皆降是月永昌王仁攻懸瓠拔之獲義隆守將趙淮送京師
斬之過定項城及淮西大破義隆將劉康祖斬之并虜將軍胡威之王羅漢等
傳致行宮癸未車駕臨江起行宮於瓜步山永昌王仁自歷陽至於江西高涼
王那自山陽至於廣陵諸軍皆同日臨江所過城邑莫不望塵奔潰其降者不
可勝數甲申義隆使獻百牢貢其方物又請進女於皇孫以求和好帝以師婚
非禮許和而不許婚使散騎侍郎夏侯野報之詔皇孫爲書致馬通問焉

正平元年春正月丙戌朔大會羣臣於江上班賞各有差文武受爵者二百餘
人丁亥輿駕北旋是月破洛那麴賓迷密諸國各遣使朝獻二月戊寅車駕濟
河癸未次于魯口皇太子朝於行宮三月己亥車駕至自南伐歛至策勳告於
宗廟以降民五萬餘家分置近畿賜留臺文武所獲軍資生口各有差夏五月

壬寅大赦六月壬戌改年車師國王遣子入侍詔曰夫刑網太密犯者更衆朕甚愍之有司其案律令務求厥中自餘有不便於民者依比增損詔太子少傅游雅中書侍郎胡方回等改定律制略陽王羯兒儀同三司高涼王那有罪賜死戊辰皇太子薨壬申葬景穆太子於金陵秋七月丁亥行幸陰山省諸曹吏員三分之一九月癸巳車駕還宮冬十月庚申行幸陰山劉義隆遣使朝貢詔殿中將軍郎法祐使於義隆己巳司空上黨王長孫道生薨十有二月丁丑車駕還宮封皇孫濬爲高陽王尋以皇孫世嫡不宜在藩乃止封秦王翰爲東平王燕王譚爲臨淮王楚王建爲廣陽王吳王余爲南安王

二年春正月庚辰朔南來降民五千餘家於中山謀叛州軍討平之冀州刺史張掖王沮渠萬年與降民通謀賜死三月甲寅帝崩於永安宮時年四十五祕不發喪中常侍宗愛矯皇后令殺東平王翰迎南安王余入而立之大赦改元爲永平尊皇后赫連氏爲皇太后三月辛卯上尊諡曰太武皇帝葬於雲中金陵廟號世祖夏六月劉義隆將檀和之寇濟州梁坦及魯安生軍于京索龐萌

薛安都寇弘農秋七月征南將軍安定公韓元興討之和之退梁坦安生亦走
八月冠軍將軍封禮率騎二千從涇津南渡赴弘農九月司空高平公兒烏干
屯潼關平南將軍昌黎公元暹屯河內冬十月丙午朔余爲宗愛所賊殿中尙
書長孫渴侯與尙書陸麗迎立皇孫是爲高宗焉帝生不逮密太后及有所識
言則悲慟哀感傍人太宗聞而嘉歎暨太宗不豫衣不釋帶性清儉率素服御
飲膳取給而已不好珍麗食不二味所幸昭儀貴人衣無兼綵羣臣白帝更峻
京邑城隍以從周易設險之義又陳蕭何壯麗之說帝曰古人有言在德不在
險屈丐蒸土築城而朕滅之豈在城也今天下未平方須民力土功之事朕所
未爲蕭何之對非雅言也每以財者軍國之本無所輕費至賞賜皆是死事勳
績之家親戚愛寵未曾橫有所及臨敵常與士卒同在矢石之間左右死傷者
相繼而帝神色自若是以人思効命所向無前命將出師指授節度從命者無
不制勝違爽者率多敗失性又知人拔士於卒伍之中惟其才效所長不論本
末兼甚嚴斷明於刑賞功者賞不遺賤罪者刑不避親雖寵愛之終不虧法常

曰法者朕與天下共之何敢輕也故大臣犯法無所寬假雅長聽察瞬息之間
下人無以措其姦隱然果於誅戮後多悔之司徒崔浩既死之後帝北伐時宣
城公李孝伯疾篤傳者以爲卒也帝聞而悼之謂左右曰李宣城可惜又曰朕
向失言崔司徒可惜李宣城可哀褒貶雅意皆此類也

恭宗景穆皇帝諱晃太武皇帝之長子也母賀夫人延和元年春正月丙午立
爲皇太子時年五歲明慧彊識聞則不忘及長好讀經史皆通大義世祖甚奇
之世祖東征和龍詔恭宗錄尚書事西征涼州詔恭宗監國初世祖之伐河西
也李順等咸言姑臧無水草不可行師恭宗有疑色及車駕至姑臧乃詔恭宗
曰姑臧城東西門外流泉合於城北其大如河自餘溝渠流入澤中其間乃無
燥地澤草茂盛可供大軍數年人之多言亦可惡也故有此勅以釋汝疑恭宗
謂宮臣曰爲人臣不實若此豈是忠乎吾初聞有疑但帝決行耳幾誤人大事
言者復何面見帝也真君四年恭宗從世祖討蠕蠕至鹿渾谷與賊相遇虜惶
怖部落擾亂恭宗言於世祖曰今大軍卒至宜速進擊掩其不備破之必矣尙

書令劉潔固諫以爲塵威賊多出至平地恐爲所圍須軍大集然後擊之可也
恭宗謂潔曰此塵之威由賊恒擾軍人亂故何有營上而有此塵世祖疑之遂
不急擊蠕蠕遠遁既而獲虜侯騎世祖問之對曰蠕蠕不覺官軍卒至上下惶
懼引衆北走經六七日知無追者始乃徐行世祖深恨之自是恭宗所言軍國
大事多見納用遂知萬機初恭宗監國會令曰周書言任農以耕事貢九穀任
圃以樹事貢草木任工以餘材貢器物任商以市事貢貨賄任牧以畜事貢鳥
獸任嬪以女事貢布帛任衡以山事貢其材任虞以澤事貢其物其制有司課
畿內之民使無牛家以人牛力相質墾殖鋤耨其有牛家與無牛家一人種田
二十二畝償以私鋤功七畝如是爲差至與小老無牛家種田七畝小老者償
以鋤功二畝皆以五口下貧家爲率各列家別口數所勸種頃畝明立簿目所
種者於地首標題姓名以辨種殖之功又禁飲酒雜戲棄本沽販者墾田大爲
增闢正平元年六月戊辰薨於東宮時年二十四庚午冊曰嗚呼惟爾誕資明
睿岐嶷夙成正位少陽克荷基構賓于四門百揆時敘允釐庶績風雨不迷宜

享無疆隆我皇祚如何不幸奄焉殂殞朕用悲慟于厥心今使使持節兼太尉
張黎兼司徒寶瑾奉策卽樞賜諡曰景穆以顯昭令德魂而有靈其尙嘉之高
宗卽位追尊爲景穆皇帝廟號恭宗

史臣曰世祖聰明雄斷威靈傑立藉二世之資奮征伐之氣遂戎軒四出周旋
險夷掃統萬平秦隴窮遼海盪河源南夷荷擔北蠕削跡廓定四表混一戎華
其爲功也大矣遂使有魏之業光邁百王豈非神睿經綸事當命世至於初則
東儲不終末乃覺成所忽固本貽防殆弗思乎恭宗明德令聞夙世殂天其戾
園之悼歟

魏書卷四下

魏書卷四下考證

世祖紀明於刑賞功者賞不遺賤罪者刑不避親○賤監本誤賊今改正

魏書卷四下考證

與者參閱下卷

此處據傳沈氏曾校書嘗不彫刻與書紙不損壞○錄遺本附錄今第五

讀書錄

